

Ferguson Add 211

Glasgow  
University Library



Ferguson Collection  
925 1921

*Bf 43 . e . 6*













*DISSERTATIO HISTORICO-CRITICO-MEDICA  
INAUGURALIS,*

D E

**QUIBUSDAM SECTIS ANTIQUIORIS  
ET RECENTIORIS AEVI MEDICIS.**



THE UNIVERSITY OF CHICAGO  
PRESS

1912

THE UNIVERSITY OF CHICAGO  
PRESS

DISSERTATIO HISTORICO-CRITICO-MEDICA  
INAUGURALIS,

D E

QUIBUSDAM SECTIS ANTIQUIORIS  
ET RECENTIORIS Aevi Medicis.

Q U A M,

ANNUENTE SUMMO NUMINE,

EX AUCTORITATE RECTORIS MAGNIFICI

HENRICI GUILIELMI TYDEMAN,

JURISCONSULTI ET ANTECESSORIS;

N E C   N O N

NOBILISSIMAE FACULTATIS MEDICAE DECRETO,

PRO GRADU DOCTORATUS,

SUMMISQUE IN MEDICINA HONORIEBUS AC PRIVILEGIIS,

IN ACADEMIA LUGDUNO-BATAVA,

RITE ET LEGITIME CONSEQUENDIS,

D E F E N D E T

PETRUS ABRAHAMUS JELTES,

HARLEMENSIS.

*Ad diem 1. Octobris MDCCCXXV. Horâ XII-I.*

---

LUGDUNI BATAVORUM

APUD J. W. VAN LEEUWEN.

MDCCCXXV,

STATE OF NEW YORK  
IN SENATE

1897

REPORT OF THE  
COMMISSIONER OF THE LAND OFFICE

1897

ALBANY: JAMES B. LEECH, STATE PRINTER.

1897.

RECEIVED BY THE  
COMMISSIONER OF THE LAND OFFICE

1897.

1897.

STATE OF NEW YORK  
IN SENATE

1897.

REPORT OF THE  
COMMISSIONER OF THE LAND OFFICE

1897.

ALBANY: JAMES B. LEECH, STATE PRINTER.

1897.

REPORT OF THE  
COMMISSIONER OF THE LAND OFFICE

1897.

STATE OF NEW YORK  
IN SENATE

REPORT OF THE  
COMMISSIONER OF THE LAND OFFICE

1897.



VIRO DOCTISSIMO,

EXPERTISSIMO

CORNELIO HENRICO à ROY,

MEDICINAE DOCTORI, INSTITUTI REGII AR-

TIUM ET DOCTRINARUM, NEC NON SO-

CIETATIS REGIAE SCIENTIARUM

HARLEMENSIS SOCIO,

CET. CET.

*Hancce dissertationem*

*omni, quâ decet,*

*reverentiâ*

D. D. D.

AUCTOR.

„Alles Lebende besteht nur in fortschreitender Bildung und also auch die Wissenschaft; und selbst einzelne scheinbar rückgängige Bewegungen müssen als nothwendig zur Ausbildung und gleich dem Knoten in Internodium des Gewächses als temporelle Ruhepunkte betrachtet werden. Alle Theorien der Medizin sind nothwendig, sind einzelne Momente dieses cyclischen Bildungsprozesses; ihre Reihenfolge ist nothwendig bedingt und keine Theorie der Medizin hätte früher entstehen oder gar nicht erscheinen können; jede frühere hat die spätere vorbereitet, und wie alles im Leben nothwendig organisch wechselwirkend ist, so ist es auch in der Geschichte der Medizin.“ D. G. Kiezer *Syst. d. Medizin.* Bd. 1. p. 4. Halle 1817. 8°.



## P R A E F A T I O.

*N*emo certe est, qui de historiae medicae utilitate et praestantiâ dubitet; quid enim a medico magis optandum est, quam ut artis suae principia et progressus cognoscat. Illi autem scire non sufficit, qualis sit hodierna medicinae facies, plura noscere cupit, ut artis rudimenta discat, quae sensim sensimque ad ordinem Disciplinarum Philosophicarum translata firmiori, quam antea, inniti coepit fundamento. Quid! medicus historicâ hac cognitione, sicuti decet, instructus, non solum sterilem rerum gestarum enarrationem accipit, sed etiam, dogmata veterum edoctus, facilius recentiorum opiniones et theorias comprehendere valet, et mox percipit, illa non parum conferre ad hodiernum medicinae statum explicandum. Praeterea medicum, historicâ suae artis cognitione imbutum, non fugit, si comparisonem instituat inter quasdam priscas et hodiernas opiniones, saepe non nisi mutato nomine eadem proponi, seculorum serie licet a se invicem distantia.

Hoc

LIBER PRIMUS

*Haec tamen non ita accipienda esse puto, ac si medicinae facies prorsus eadem foret, qualis antea fuit; minime: pugnant enim cum his tot tantaque inventa, quorum vim ad limites medicinae proferendos non negare possumus; obstant iis observationum historiae, quae fideli stilo conscriptae, sedulo collectae et traditae, artem medicam ad maiorem perfectionis gradum extollunt; nihilominus tales saepe proponuntur theoriae, quae, justâ comparatione institutâ, si quae insit differentia, manifestam habent similitudinem. Sic igitur ex historiâ ipsius scientiae, ut ita dicam, evolutionem cognoscere possumus, unde pateat, vario tempore varias vigere debuisse opiniones et dogmata.*

*Ex hoc autem fonte dissertationis meae argumentum petii et nonnulla, impellente Promotore aestumatissimo M. J. MACQUELYN viro Clarissimo, colligere animus tulit de quibusdam sectis prisci et recentioris aevi medicis, illarumque opiniones et placita inter se comparare, quarum sectarum historiam criticam elaboranti mihi non ipsius consilia denegavit dictus meus Praeceptor, qui, quoties per argumenti rationem licet, in Institutionibus Practicis Historiae Critico-Medicae utilitatem demonstrat.*

*Antequam vero meum opus aggrediar suave mihi restat discipulo officium, Vobis scilicet Academiae Lugduno-Batavae Professoribus V. V. C. C. qui*

*me*

me et literarum et philosophiae naturalis, elementa  
et universae Medicinae Institutiones docuistis, gra-  
tum meum obtestari animum pro tot tantisque,  
quibus me meaque studia cumulastis, beneficiis,  
et quorum grata recordatio nunquam in meo ani-  
mo peritura est. Vos V. V. C. C. propitium Nu-  
men in literarum, scientiarum et universae rei  
medicae commoda et gloriam ad seram, omnique  
parte beatam, senectutem servet incolumes!

Mea fert pietas etiam tibi doctissimo et exper-  
tissimo viro à ROY gratias agere pro tuâ erga  
me benevolentia; quoties enim petii, liberum mihi  
concessisti ad immensam tuam Bibliothecam aditum.  
Accipe haec publica grati animi testimonia, quibus  
mea vota pro salute tuâ, quae est aegrorum salus,  
lubens adjungo.

Vos etiam commilitones carissimi! non sine animi  
commotione, praeteriti temporis memor, saluto, tum  
eos, qui jam ante aliquod tempus curriculum Aca-  
demicum absolvistis et variis locis doctrinae et pe-  
ritiae vestrae, hac in Academiae conquisitae, docu-  
menta praecleara praestatis, quos inter multi fue-  
runt mihi tum ob studiorum aequalitatem, tum ob  
morum similitudinem carissimi, amicitiae vestrae,  
quondam mihi praestitae, testimonia laetus recor-  
dor; jam vero ipse profecturus ab iis, quos adhuc  
praesentes conspicio, in quibus etiam amicos integer-  
ri-



---

*rimos, me divelli sentio et sic hodie, quamquam  
maxima laetandi causa mihi contigerit, etiam Ho-  
ratii dicti veritatem expertus sum:*

*„Nihil est ab omni  
Parte beatum.”*

*Vivite felices, mei memores!*

*Laboris mei tenuitatis probe conscius, Benevoli  
Lectores! qui opusculi academici conscribendi ne-  
cessitatem nostis, vestrae et facilitati in iudicando,  
et benevolentiae in erroribus condonandis me totum  
trado; Valete.*

---

*DIS.*

*DISSERTATIO HISTORICO-CRITICO-MEDICA  
INAUGURALIS,*

D E

QUIBUSDAM SECTIS ANTIQUIO-  
RIS ET RECENTIORIS AEVI.

---

SECTIO PRIMA

CONTINENS OPINIONES ET PLACITA SECTAE DOGMATI-  
CORUM, METHODICORUM ET PNEUMATICORUM.

---

CAPUT I.

OPINIONES ET PLACITA DOGMATICORUM.

§. 1. **N**ihil sine causâ; verumtamen raro tam ef-  
ficaciter causa operatur, ut statim sensibilis effectus  
sequatur, et saepe, sicut semen in terrâ reconditum,  
quoddam temporis spatium requirit, ut tale evadat,  
quale causae effectus postulat; sic tandem fit surcu-  
lus arbor.

Haec etiam Medicina experta est; multae enim in  
eam irrepserunt formae mutationes, quae, sensim in-  
troductae, suos habuerunt fautores, sed etiam adver-  
sarios, et ex eo dissensu sectae vel scholae ortae sunt.

A

Sic

Sic etiam secta *Dogmatica* nata est, non enim Hippocratis filii, qui hujus sectae auctores habentur, Disciplinae mutationem animo intendisse videntur, sed inscii, quot quantaque dissensiones ex suis principiis aliquando in re medicâ ortae forent, nimis philosophandi studio inhaerebant, nec, naturae observatione, interpretatione, et imitatione Hippocraticae acquiescentes, prima fundamenta ponebant sectae, quae nobis tradita est sub nomine *Rationalis, Dogmaticae, Analogisticae* (1).

§. 2. Medici Dogmatici i. e. qui ratione nituntur, priscâ medicinae definitione acceptâ, salubrium et insalubrium scientiam (2) cognoscere studebant, et generale eorum videtur fuisse praeceptum illud „ὅσα τῶν ὁρμάτων ὄψιν ἐκφεύγει, ταῦτα τῇ τῆς γνῶμης ὀψει κεκράτηται” (3) minoris ponderis experientiam habentium.

Necessarium igitur habebant Medici hi rationales Anatomiae, Physiologiae, Pathologiae et Therapeutices studium nec Semeiotiam prorsus neglexisse videntur.

Vix opus esse puto, ut moneam, me in opinionibus et placitis Dogmaticorum enarrandis, brevitati studere debuisse, et e pluribus pauca tantum memoras-

(1) Galenus *de Sect. c. 1. p. 286. t. 2. edit. Chart. Lutet. Paris. 1579.*

(2) Sic definiebant veteres Medicinam. Gal. *l. c.*

(3) Nullum enim dubium, quin liber *de natura humana*, qui Hippocrati adscibitur et haec verba continet, spurius sit, cujus auctor videtur fuisse Polybus, Hippocratis gener. Conf. Gruner *Censur. libr. Hippocr. p. 99.* et Sprengel. *Pragmat. Gesch. 1. Th. p. 269. Halle 1792.*



rasse, cum meo consilio minus consentaneum videretur, omnium theoriarum et dogmatum recensio- nem tradere, (praeterquam quod hîc loci minus conveniat, etiam difficile opus) quam quidem talia referre, quae sufficere videntur ad Dogmaticorum mentem intelligendam et explicandam.

§. 3. Ii, monente Celso (4), qui rationalem Medicinam profitentur, haec necessaria esse proponunt: „abditarum et morbos continentium causarum notitiam, deinde evidentium, post haec etiam naturalium actionum, novissime partium interiorum. *Abditas causas* vocant, in quibus requiritur, ex quibus principiis nostra corpora sint, quid secundam, quid adversam valetudinem faciat. — Neque vero inficiantur, experimenta quoque esse necessaria; sed ne ad haec quidem aditum fieri posse, nisi ab aliquâ ratione, contendunt. — *Evidentes* eas appellant, in quibus quaerunt, initium morbi calor attulerit, an frigus; fames, an satietas; et quae similia sunt. — *Naturales* corporis actiones appellant, per quas spiritum trahimus et emittimus; cibum potionemque et assumimus et concoquimus: itemque, per quas eadem haec in omnes membrorum partes digeruntur. Tum requirunt etiam, quare venae nostrae modo submittant se, modo attollant; quae ratio somni, quae vigiliae sit: sine quarum notitia neminem putant vel occurrere, vel mederi morbis inter haec nascentibus posse. — Praeter haec, cum in interioribus partibus et dolores et morborum varia genera nascantur, neminem putant his adhibere posse reme-

(4) *Lib. I. p. 3. seq. Lugd. Bat. 1785. 4<sup>o</sup>.*

media, qui ipsas ignoret. Necessarium ergo esse incidere corpora mortuorum eorumque viscera, atque intestina scrutari." — Hisce autem quaedam subjungere liceat, ut et ipsius verba quodammodo explicemus, et nostro proposito satisfaciamus Dogmaticorum opiniones et placita exponentes.

§. 4. Primas partes in corpore humano agere humores docebant *Dogmatici*, magna vero inter illos fuit dissensio de horum humorum speciebus; hic enim duos tantum numerabat humores, ille vero quatuor (5), tertius denique plures (6); omnis vero de humoribus cardinalibus opinionum diversitas redit ad calidum, frigidum, humidum et siccum i. e. sanguinem, pituitam, bilem utramque, flavam ac atram, quae hominum elementa a communibus omnium rerum elementis deduxisse fertur Hippocrates (7), qui vero inprimis ad suum ἔμφυτον θερμὸν (calidum innatum) spectasse videtur (8).

Multa praeterea sunt, quae ab iis proponuntur de fluxionibus a capite, tribus conspicuis in aures, nares, et oculos, quatuor abditis in thoracem iisque fre-

(5) Vid. (*lib. Hippocrati adscript.*) *de morb.* I. c. 2. p. 532. I. c. IV. c. 1. p. 536. t. IV. Conf. quae proponit Gruner (*cens. libr. Hippocr.* p. 152. *Uristalay.* 1773. 8°.) de hisce libris critica.

(6) Ruffus *Ephes. de appell. part. corp. hum.* I. I. c. 36. p. 112. Conf. Sprengel *Pragm. Gesch. d. Arzneik.* t. 1. p. 306. Halle 1792.

(7) Gal. *de Element.* ex Hipp. I. 2. c. 1. p. 26. Conf. Sprengel I. c. p. 239. qui quidem dubitat, an haec de Hipp. vera sint.

(8) Hipp. I. *Aph.* 14. Conf. A. Kaauw Boerhaave impetum faciens, dictum Hippocr. *Amst.* 1744. 8°.



frequentioribus, unde bilis, lassitudo, empyema, tabes; in spinalem medullam, unde aliae tabis species; in vertebrae et carnes, unde hydrops; in articulos, unde arthritides et oedemata (9).

Non minus diversae sunt, quas habent Dogmatici opiniones de spiritu vel flatu; statuentes enim praeter solida et fluida corpus constare ex spiritu, qui cum cibo et potu inter alimenta referebatur, nonnulli fuerunt, qui morbos omnes istius sobolem esse demonstrare conati sunt (10).

§. 5. Naturales autem respicientes actiones varia etiam proposuerunt *Dogmatici* placita, sic v. g. de respirationis usu variae fuerunt veterum opiniones, cum alii cuidam animae corroboracioni, alii refrigeracioni innati caloris, alii denique arteriarum explectioni inservire, perhiberent (11).

Sic etiam hi non minus inter se dissentiunt de modo, quo digestio perficiatur.

Nonnulli autem dicebant inter nutritionem partium animalium et plantarum quandam intercedere analogiam, contendentes ventriculum esse omnium humorum fontem, e quo singula corporis pars similem sibi attrahit humorem, ita ut cor sanguinis fons evadat, caput pituitae, lien aquae, jecur bilis; in omnibus enim cibis ac potibus et biliosi aliquid et

a-

(9) Hipp. lib. de glandul. c. 5. p. 274. seq. t. IV. lib. de locis in homine c. 5. p. 362. t. VII. Gruner. l. c. p. 114. seq.

(10) Hipp. lib. de Flat. c. 3. p. 214. seq. t. VI. Ejusmodi opiniones Sectam Pneumaticam gignisse videntur.

(11) Gal. de usu resp. lib. legit. c. 1. p. 413. seq. t. V.

aquosi et sanguinei et pituitosi inesse, plus minusve in hoc vel illo statuebant (12), alii vero cibum in ventre teri vel putrescere (13), alii, ut fert Galenus (14), demonstrarunt, alimentum ab innato calore alterari, sanguinem quidem a mediocri calore fieri, reliquos vero succos ab eodem immodico.

Supra vidimus nonnullos fuisse auctores, qui statuerint arteriarum expletionis gratiâ obtinere respirationem, iidem autem perhibent, ab hac arteriarum expletionem i. e. ab influenti spiritu pulsum explicandum esse (15), dum dein pulsus, distinctione inter venas et arterias factâ, peculiaris vocaretur arteriarum motus (16), nec dubium, quin partium corporum animalium dissectiono multum praestiterit in formandis placitis (quo certe, ut passim supra vidimus, non parum contulerunt (17) variae Philosophorum scholae) et novas opiniones obsoletis substituendo.

§. 6. Dogmaticorum erat anatomen *artificialem* instituere, teste Galeno (18), sed facillime ex placiti-

(12) Hipp. lib. de morb. l. 4. c. x. p. 597. t. VII.

(13) Cels. l. c. p. 5.

(14) De nat. facult. l. 2. c. 8. p. 47. t. V.

(15) Gal. an in art. sanguis natur. contin. libr. c. 8. p. 163. seq. t. III.

(16) Sprengel. l. c. p. 364. seq. Gal. de puls. differ. l. 4. c. 1. p. 81. t. VII. et de Hipp. et Plat. placit. l. 8. c. 7. p. 197. t. V.

(17) Sic etiam inter alia Aristoteles somni naturam explicare conatus est. Vid. de somn. et vigil. p. 185. seq. Conf. Sprengel l. c. p. 269.

(18) Defin. Med. 34. p. 236. t. II. illam dissectionem fieri dicit κατ' ἐπιστήδυσιν, ut ei opponatur, quae fiebat κατὰ περίπτωσιν.



citis priorum Dogmaticorum patet, eos, primis saltem suae sectae temporibus, parumper modo eam exercuisse, ita ut potius ad alteram speciem pertineret, fortuitam scilicet, quae κατὰ περίπτωσιν fieri fertur, cujusmodi Anatomiam habebant Emperici. Rudiores certe anatomiae scientiam demonstrant, quae nobis reliquit antiquitas (19), tradens originem et cursum quatuor parium venarum, quae in corpore invenirentur. Diocles Carystius vero, qui, teste Plinio (20), post Hippocratem secundus aetate famaeque exstitit, sedulam dedit Anatomiae operam, ita quidem, ut eam artificialiter exercuisse, et animalia secasse videatur (21). Postea plures de Anatomia bene meriti sunt, inter quos referuntur Praxagoras (22), Aristoteles (23), et imprimis Hirophilus et Erasistratus (24).

Plurimum enim medicorum interesse justam partium cognitionem intelligebant Dogmatici, ut iis laborantibus facilius et certius possent afferre levamen (25).

## CA-

(19) Hipp. *adscript. libr. de natur. hom.* VI. p. 135. cujus libri Auctor verus dicitur ab Aristotele (*Hist. anim.* l. 3. p. 265.) Polybus. Conf. Sprengel l. c. p. 269. et Gruner. l. c. p. 100.

(20) *Nat. Hist.* l. 26. c. 2. p. 444. t. IV. Paris 1585. 4°. Conf. in h. l. Cels. l. c. p. 3.

(21) Galen. *de Anat. administr.* l. 2. c. 1. p. 47. t. IV.

(22) Sprengel l. c. p. 363. seq. le Clerq *Hist. de la Med.* p. 283. seq. à la Haye 1729. 4°.

(23) Sprengel. l. c. p. 320. seq. le Clerq l. c. p. 270. seq.

(24) Cels. l. c. p. 5. 6. Sprengel. l. c. p. 376. et le Clerq l. c. p. 296. seq.

(25) Gal. *de Anat. administr.* l. 2. c. 2. p. 47 et 48.



## CAPUT II.

## OPINIONES ET PLACITA METHODICORUM.

§. 1. Quo tempore Romani, fere totius terrarum orbis domini, ferro ignique regiones devastantes in Provinciae formam eas redigebant, et omnem Reip. salutem in armis ponebant, scientias sine cultu jacuisse et corporis robur mentis vigore praevaluisse (1), non est, quod miremur. Tunc temporis Romae medicinam Asclepiades faciebat (2), cujus morborum curandi methodus civibus satis placebat, dicebat enim, teste Celso (3), medicum oportere curare aegros tuto, celeriter et jucunde, taliaque jactantem spes non fefellit, ut ejusmodi promissis animos ad se traheret, et famae consuleret.

Illi autem, Democriti et Epicuri sententias amplectenti (4), placebat theorema atomorum, sive molecularum (5) omnia, quae oculis se offerunt, com-

(1) Cicero *Disput. Tuscul.* l. 1. c. 1. dicit: Doctrina Graecia nos et omni litterarum genere superabat: in quo erat facile vincere non repugnantis.

(2) C. A. Kortum *Skizze ein. Zeit- und Litterar gesch. d. Arneik.* §. 37. p. 63. Unna 1809. 8°.

(3) *De Medic.* l. 3. c. 4. p. 93.

(4) J. C. G. Ackermann *Inst. hist. med.* §. 184. p. 132. seq. Norimb. 1792. 8°.

(5) Gal. *de Theriac. ad Pison.* c. 11.

ponentium (6). Varietas autem formae rerum naturalium secundum hanc theoriam solummodo pendet a figurâ et formâ, quae simplicibus atomis pro variâ relatione et proportionem singulis corporibus competunt (7). Jam vero e sententiâ Asclepiadis sana conditio corporis pendet ab apto motu, formâ et figurâ, qualis conditio in morbosam transit, simulac contrarium obtinet (8). Hinc omnes morbos a locorum aut viarum, per quae corpuscula manant, differentiâ deduxit (9).

§. 2. Huic Asclepiadis dogmatici theoriae mechanicae (10) innititur omnis doctrina sectae methodicae, quae a Dogmaticorum sophisticis explicationibus, nec minus ab Empiricorum simplici observatione aliena (11), medium tenere conabatur, constituens strictum, laxum et mixtum (12), quae Communia vel Communitates morborum appellabantur, et petebantur ab *Evidenti*, cuilibet morbo communi (13). Omnes vero Methodici minime inter se conveniunt de ratione hujus *Evidentis* cognoscendi; alii enim illud in habitu corporis externo, stricto vel

(6) *Idem de Facult. Nat. l. 1. c. 12.*

(7) K. Lutheritz. *d. Syst. d. Aerzte von Hipp. bis Brown dahrgestellt. t. I. p. 157. seq. Dresden 1810. 8°.*

(8) *l. c. p. 160.*

(9) Ackermann *l. c. §. 193. p. 137.*

(10) Blumenbach *Introd. §. 57. J. D. Metzger Skizze ein. Pragm. Literärgesch. d. Medic. §. 79. p. 65. Königsberg. 1792. 8°.*

(11) Gal. *Introd. c. 3. p. 368. t. II.*

(12) Gal. *Meth. Med. l. 1. c. 3. p. 7. t. X.*

(13) Gal. *l. c. p. 69.*



vel laxo (14), quod alii in adstricto et fluente, respicientes ad aegrorum excretiones, ponebant (15). Sic itaque Methodici, observantes ejusmodi Communia, quae ex evidentibus in corpore aegroto conficiebant, morbi potius symptomata, quam ipsum morbum curabant (16), quo fiebat, ut solummodo ad solida non vero ad fluida respicerent (17).

Illis autem Communibus curativis subordinatae erant communitates temporales (*καιρικαι*), quas a tempore desumebant Methodici, respicientes ad numerum trium dierum i. e. *διατριτον* (18), unde nomen Diatritarii, ipsis impositum, repetendum est (19), at vero alios communitas temporalis ea docere videtur, quae peragenda sunt in initio, incremento, vigore et declinatione morborum (20). Illi autem per generales regulas constituebant, qualis potus, quale alimentum et qualia medicamenta diverso morbi tempori convenirent (21). Hac in re illos Hippocratem secutos esse false perhibent Methodici (22),

di-

(14) Gal. *de Opt. Sect. c. 48. p. 337. t. II.*

(15) Cels. *l. c. p. 12. Gal. de Opt. Sect. c. 9. p. 295. et c. 48. p. 337.*

(16) J. C. Nicolai *das Merkwürdigst. a. d. Gesch. d. Med. p. 182. Rudolst. 1808. 8°.*

(17) Leopoldt. *l. c. p. 85.*

(18) Cael. Aurel. *Morb. Chr. l. 2. c. 3. p. 122. Conf. Ackermann in Archiv. f. d. Gesch. d. Arzneik. von P. L. Wittwer 1 Bd. 1 st. p. 39. Nürnberg 1790. 8°.*

(19) Le Clerq *l. c. p. 451.*

(20) Gal. *Introd. c. 3. p. 362. Ackermann l. c. S. 223. p. 157. Sprengel l. c. t. II. p. 30.*

(21) Gal. *de Opt. Sect. c. 44 et 45. p. 334. seq. et Meth. Med. l. 4. c. 4. p. 86.*

(22) Ackermann. *l. c. S. 224. p. 158.*

dicit nimirum Galenus (23) Hippocratem fefellisse Thessalum his verbis: „ quum morbus vi-  
get, tunc etiam tenuissimo victu uti necesse est” (24)  
nam in diaeticis et pharmaceuticis praeceptis non  
a certo morbi tempore indicationem petebat, sed  
quidem inprimis ab aegroti viribus (25).

Praeter memoratas communitates (quas solummodo  
ad unam medicinae partem, quae morbos internos  
curabat, pertinere intelligebant) etiam mentio fit  
apud Methodicos de communitatibus Chirurgicis,  
quae ad alteram medicinae partem, quae manu opem  
fert, pertinerent. Jam vero, ut etiam sua placita in  
partem Chirurgicam deducerent, nova in morbis com-  
munia excogitârunt (26), quae spectabat sequen-  
tia momenta: (27)

Duplex est alienum vel extrinsecus vel in corpore.  
Quod extrinsecus est, simplex ut spiculum, telum;  
illius vero, quod in corpore est, tres numerantur  
species.

1.) Loco alienum τῷ τόπῳ ἀλλότριον, ut suffusio,  
luxatio cet.

2.) Magnitudine alienum τῷ μεγέθει ἀλλότριον, ut  
abscessus cet.

3.) Defectu alienum τῇ ἐλλείψει ἀλλότριον, ut fistu-  
lae, sinus cet.

Sic, ut notat Leopoldt (28), haec secta, quum  
perciperet suas communitates non omnes compre-  
hen-

(23) *De Opt. Sect. c. 39. p. 332.*

(24) *Hipp. Aph. 7. Sect. 1.*

(25) *Aph. 2: 17. 23 et 25. Sect. 1. Vict. acut. LII. 8: 9.*

(26) *Ackermann l. c. §. 222. p. 156.*

(27) *Gal. Introd. c. 3. p. 362.*

(28) *l. c.*



hendere morbos, triplici illi Communium generi Chirurgicas addebant, quibus sui systematis defectui consulere studebant.

Denique etiam memoratur communitas prophylactica (29) sive praeservatrix, quae morbis prospiceret a quodam veneno ortis, quam admittentes a suis principiis discessisse videntur Methodici, cum, ubi eâ utebantur, non respicerent ad strictum, laxum vel mixtum ab evidenti petitem, sed a quâdam causâ indicationem desumerent, *Evidens* cum Dogmaticorum *abditis* mutantes.

§. 4. Peculiarem morbos tractandi methodum secuti sunt Methodici ad certum dierum numerum respicientes i. e. ad diatrion, de quo supra jam verbo monuimus et cujus originem a principiis philosophicis Pythagorae repetendam esse coniecit Ackermann (30). Hîc occurrit inter Methodicos de ipsâ hac diatrion dissensus, cum nonnulli eam tribus diebus continere statuerent, alii vero alternis.

Quaestio autem erat apud medicos, qui cibum opportune datum habebant pro optimo remedio, quando primo dari debeat (31). Primâ diatrion in qualicunque morbo ab omni cibo et potu abstinendum esse praeceperunt Methodici, Asclepiadem secuti. Themison vero phreneticos primâ diatrion nutriendos esse censuit (32), unde patet, quod hac in re Methodici etiam minime inter se conveniant. (33)

§.

(29) Gal. l. c.

(30) In Wittwer's *Arch.* l. c. p. 47.

(31) Cels. l. 3. c. 4. p. 94. seq. ubi dicit etiam Auctor „minime — perpetuum esse praeceptum temporis potest.”

(32) Cael. Aurel. *Acut. Morb.* l. 1. c. 16. p. 67. illud dicit A. improprium tempore.

(33) Ackermann *Inst.* §. 228. p. 161.

§. 5. Verosimile est, quod nonnulli auctores notant (34), communitatem temporalem ansam dedisse Cyclis methodicorum, quo referuntur *Cyclus resumptivus* et *metasyncriticus*.

Cyclus autem resumptivus ἀναλήπτικος corpori per diætam robur, si indigebat, vel saltem quandam praeparationem, ut ita dicam, ad majora afferre debebat, quibus ipsi corpori opus esse arbitrabantur Methodici, ut curam metasyncriticam bono cum eventu instituere possent.

Sequentia, quae hunc cyclum resumptivum spectant, tradit Caelius (35): „ex mediae qualitatis materia (36) *primus* ordinandus est cyclus, dehinc ex volantum *secundus*: tunc ex *agrestium tertius*, atque ex *porcinis ultimus*, in quibus ordinandis non facere licet repentinas mutationes (37). Utendum praeterea nunc aquae potu nunc vini — deinde veniendum ad recorporativae curationis materiam, latenti motu adhibitâ Drimyphagiâ (38).”

Facile inde confici potest, cyclum resumptivum, in quo interdum etiam motus et inunctiones non negligebantur (39), parum modo differre a metasyncritico (utriusque enim scopus erat pororum mutatio-

(34) Idem l. c. §. 224. p. 158.

(35) *Morb. Chr.* l. 2. c. 13. p. 183. seq.

(36) Per eam intelligit A. quae est levioris succi et a Graecis μέση ὕλη vocatur conf. l. c. p. 12.

(37) Cael. l. c. p. 183.

(38) Den Senf, den Pfeffer, die meerzwiebeln, und andere scharfe Mittel wandte man gröstentheils an, um diese metasynkrise zu bewirken, und nannte diese methode die Drimyphagie. Spreng. l. c. t. II. p. 33.

(39) Cael. l. c. c. 1. p. 12. seq.



tionem, suis atomis convenientem, inducere, quam *μεταποροπολῆσιν* Galenus vocat (40),) quae differentia solum existere videtur in majori virium remedium metasyncriticorum gradu.

Sinapi hunc in finem imprimis uti solebant methodici (41), laudatur etiam *Thaspia*, cujus radix et liquor omnium maxime, quae pares cum iis vires sortita sunt, metasyncriticâ vi pollent (42). Praeterea huc pertinent *Napy*, *Pyrethrum*, *Capparidos* radix (43). Hoc autem cyclo perfecto, ait *Caelius* (44), „erit alius adhibendus solo ex vomitu, detractâ *drimyphagiâ*: in quo oportet prima die in parvo cibo et aquae potu aegrotantem servare; tum alia die deambulatione motum vomitum exagitari ex radicibus *Raphani* similibusve.”

Eodem redire videtur haec curandi methodus i. e. per hunc cyclum vomitorium, quo hodie cura nauseosa spectat (45), quâ saepius in corpore aegroto salutare producuntur effectus. Praeterea etiam nonnunquam in usum vocabant Methodici localia adjuvantia, sicut *παρόπτῃσιν*, (adassationem) dropacem, alia (46), sed in illorum applicatione temporis rationem habendam esse monet *Aurelianus*, ita ut tem-

po.

(40) *Meth. Med. l. 4. c. 4. p. 91. seq.*

(41) „Sinapi chronicas passiones quadam corporis novatione excludit,” ait *Cael. Aurel. Acut. Morb. l. 2. c. 9. p. 100.*

(42) *P. Dioscorid. de Med. Mat. l. IV. c. 157. p. 303. edit. Saraceni Lugd. 1598. fol. C. Plinii Secund. Nat. hist. t. 3. l. 13. c. 43. Paris 1584. 4to.*

(43) *Gal. de Simpl. Med. Facult. l. c.*

(44) *Morb. Chr. l. 1. c. 1. p. 15.*

(45) *Sprengel. l. c. p. 32. seq.*

(46) *Cael. l. c. p. 19.*

pore, quo drimyphagiâ utimur, omne locale adiutorium prohibendum sit (47), ne eodem tempore superficies cum altioribus (i. e. visceribus) agitetur. Alibi etiam dicit auctor, quod ad cibi abstinentiam attinet, eam adhibendum esse, permittentibus viribus, usque ad tertiam diem, non ad relaxanda corpora, sed quo altiora, quorum est officium accepta digerere, immobilia perseverent.

§. 6. Talis autem fuit Methodicorum morbos chronicos curandi methodus, in acutis vero, ubi adstrictum erat, solvendum esse corpus putabant, ubi fluens, retenendum, a quacunque causâ generata sit utraque corporis conditio. Rationem anni tempestatum, aetatum et locorum supervacuam habebant (48), notitiamque communitatum sufficere, quae tantummodo communem et generalem hominem curari sinebat (49), minime igitur mirandum, Methodicos, quos Galenus ἀμέθωδους appellat (50), eum increpare, qui vitam brevem esse, longam vero artem dicit, contrarium enim ipsi contendebant, artem nempe esse brevem, vitam vero longam (51).

(47) *l. c. p. 22.*

(48) *Gal. de Sect. c. 6 et 7. p. 291. seq.*

(49) *Gal. Meth. Med. l. 3. c. 7. p. 69.*

(50) *l. c.*

(51) *Gal. de Sect. p. 292.*



## CAPUT III.

## OPINIONES ET PLACITA SECTAE PNEUMATICORUM.

§. I. **A** methodicorum sectâ ortum duxisse Pneumaticam nonnulli perhibent auctores (1), alii vero ejus originem a Dogmaticis repetunt (2), et quidem, uti mihi videtur, cum majori jure, illorum enim principia non sinebant abditarum causarum indagacionem, quarum investigationi et explicationi studebant Dogmatici.

Pneumaticae autem scholae auctor habetur Attënaüs (3), qui prima hujus sectae fundamenta jecisse fertur. Neglectis enim, quae docuerant Methodici de atomorum syncrisibus, eorumque relatione ad spatiolas, quas implere debent, similem Dogmaticorum praeferibat doctrinam de quodam pneumate, quod primas ageret in oeconomiâ animali partes, et cujus spiritus, vitalitatem spirans, plurimorum morborum esset fons, ipsius turbatâ actione (4). Are-  
tæus

(1) Le Clerq. *Hist. de la Med.* P. II. L. 4. Sect. 2. c. 3. p. 506. — Kortum *Skizze ein. Zeit- und Litterargeschicht d. Arzneik.* §. 43. p. 67. seq. Unna. 1809. 8°.

(2) Osterhausen *Histor. Sect. Med. Pneumat.* §. 14. p. 75. seq. Altorf. 1791. 8°. — Ackermann. *Inst. Hist. Medic.* §. 233. p. 164. seqq. Norimb. 1792. 8°.

(3) Sprengel. *Pragm. Gesch. t. 2. p. 95. seq.* — J. C. Barchusen. *Histor. Medic.* p. 266. Amstel. 1710. 8°. Osterhausen l. c. p. 15. seq.

(4) Galen. *Introd.* p. 373.

täus Cappadox etiam hujus sectae fautor fuisse dicitur (5), licet alii eum ad Eclecticos referre malint (6).

§. 2. Stoicorum placitis innitur Pneumaticorum doctrina. Stoici enim statuebant, teste Diogene Laërtio (7), ignem quemdam artificiosum (8) creasse mundum, eumque conservare, materiae inclusum atque immixtum. Hinc autem, quae vulgo statuebantur, elementorum origo; ignis enim substantiam per aërem versam in humorem transiisse, crassiorem ejus partem atque consistentem mutatam esse in terram, subtiliorem versam in aërem, subtilissimam autem ignem evasisse docebant (9). Hic autem spiritus igneus (πνεῦμα πυροειδές), ipse intelligens et sapiens (10) animam mundi (11) constituit et omnibus, quae vivunt, quae aluntur, quae crescunt, hominibus, animantibus, plantis cet. (12)

ma.

(5) Kortum. *l. c.*

(6) Sprengel. *l. c. p. 110.* Videtur mihi sat validis argumentis Osterhausen probasse non ad Pneumaticorum sectam referendum esse Aretäum, ei vero lubenter assentimur dicenti: „Sin — ille Pneumaticorum doctrinis favit, huic Sectae non est dedecori habuisse inter suos virum, qui omni jure inter optimos antiquitatis medicos est recensendus.” Vid. *l. c. p. 83.*

(7) *Lib. VII. de Vit. Philos. Segm. 156.*

(8) *Cic. lib. 2. de Nat. Deor. c. 22.* „Non quod is ignis arte quadam procreatus sit, sed ob vim omnia progignendi ac conservandi, artificiosum illum nominabant.”

(9) *Diog. Laërt. l. c. Segm. 142.* Conf. Osterhausen *l. c. p. 38.*

(10) *Cic. l. c. cap. 8.*

(11) *Idem l. c. c. 12.*

(12) *Idem l. c. c. 9.*



majori minorive copiâ insitus est, cum quaedam minus uti ossa et nervi, quaedam magis, uti mens veluti per principatum (ὥς διὰ τὸν ἡγεμονικόν) (13), illius influxu fruuntur. Variæ autem de hujus animæ sede prostant sententiæ, cum nonnulli eam in æthere (14), alii in coelo, alii in sole, alii denique in terrâ habitare contendunt (15). Hoc autem spiritu in corpore humano recte constituto, sanitatem adesse, offenso vero morbos nasci putabant Pneumatici (16), Stoïcorum placita secuti (17).

§. 3. Huic autem spiritui addebant Pneumatici suam elementorum doctrinam, in eo ab aliis discedentes, quod pro elementis haberent, quæ Stoïci vocabant eorum qualitates; statuebant nimirum calidum et frigidum, humidum et siccum esse elementa, idque tam clare posse perspicui, ut nullam demonstrationem exposcant (18); notandum videtur, quod Galenus refert (19), Athenæum ea elementa etiam nonnunquam vocasse qualitates ac potestates, nonnunquam corpora esse concessisse. For-  
 san hoc solvitur dubium doctrinæ Athenæi a Galeno propositum, si ad distinctionem attendamus, quam inter elementa fecit statuens: ex his (elementis) duo esse *causas efficientes* (τὰ ποιητικὰ αἰτία),  
 pu.

(13) Diog. Laert. l. c. Segm. 138. Cicero l. c.

(14) Anima erat iis particula animæ mundi, quæ in æthere sedem habebat, Tiedemann's Geist. d. Speculat. Philos. t. 1. p. 131.

(15) Osterhausen l. c. p. 41.

(16) Ackermann. l. c. §. 237. p. 167.

(17) Sprengel, l. c. p. 92.

(18) Galen. l. 1. de Element. c. VI. p. 15.

(19) l. c.

puta calidum et frigidum; duo *materialia* (τὰ ὑλικά) siccum nempe et humidum.

§. 4. Sequentia proponit Athenäus de conceptionis modo: putat, ut ii, (Stoici) ait Seneca (20), in semine omnis futuri hominis rationem comprehensam esse, et legem barbae et canorum nondum natum infantem habere; totius enim corporis et sequentis aetatis in parvo occultoque lineamenta esse, omnia certâ lege evolvi. Menstrua autem secundum illius sententiam continent materiam futuri embryonis et semen virile, pneumatos ope, vi gaudet formatrice (21). Athenäus autem tantum ob symmetriam mulieribus testes (ovaria) esse putavit, sicuti viris mammas (22). Quae Aristoteles de conceptione memorat (23), aliorumque sententiae (24) huic conveniunt placito.

Animum, quem ignem, aut spiritum calidum esse putabant (25), Stoïci, quorum decreta imprimis placebant medicis (26), subtiliter dividebant in orto partes: quinque scilicet, quibus sentimus; sexta, quâ prolem procreamus; septima, quâ

VO.

(20) *Quaest. Natur. l. 3. c. 29.*

(21) *Spreng. l. c. t. 1. p. 489.*

(22) *Galen. l. 2. de Semine c. 1.*

(23) *De Animal. Generat. c. 19 et 20. Conf. Gal. l. c. c. 2.*

(24) Sic fertur de Hippione et Sphaero, Stoïcis, eos statuisse, semen quidem mulieribus esse, sed infoecundum, et patris tantummodo semine partum nasci. *Conf. Osterhausen. l. c. p. 47.*

(25) *Diogen. Laërt. l. c. l. 7 et 8. Segm. 156. — Cicero lib. Ac. Quaest. c. XI.*

(26) *Gal. l. 3. de diff. puls. c. 1.*



vocem emittimus; octava, quâ cogitamus seu ἡγεμονικόν (27), vel ea pars, in quâ imaginationes appetitusque gignuntur, quae in corde est (28). Ceterae autem animi partes ab hac principe, quâ cogitamus, emissae per totum corpus diffunduntur; hinc ad visum est spiritus visui destinatus (πνεῦμα ὁρατικόν) qui a principe facultate (ἀπὸ τοῦ ἡγεμονικοῦ) usque ad pupillam tendit (29).

§. 5. Athenäus autem, Aristotelem secutus, amplectebatur, uti vidimus, elementorum theoriam, quibus aetherem sive pneuma addebat, (30) attendebat enim non solum ad elementorum crasin, sed etiam ad spiritum, omnes corporis partes penetrantem, a quo omnia contineantur et gubernentur. (31). Facile patet eos ad elementorum mixtionem respexisse, deducebant enim Pneumatici a calido et sicco morbos acutos, ab humido et frigido collectiones phlegmaticas, et melancholiam a frigido et sicco, cum craseos statum calidum, humido junctum, sanitati maxime esse amicum statuerent. (32) Omnem febrem ex humorum putredine oriri Pneumaticorum dogma erat. (33) Characteristicum omnium febrium signum pul-

(27) Cic. l. II. de Nat. Deor. c. XI.

(28) Diog. Laërt. l. c. Segm. 157 et 158. Memorabilis quidem videtur Pythagorica animae distinctio, cujus altera (φρένις) in cerebro, altera (θυμός) in corde habitaret. Plutarch. Phys. Philos. decret. l. 4. c. 14. p. 83

(29) Galen. de Hist. Philos. c. 25. p. 47. t. II.

(30) Sprengel. l. c. t. 2. p. 96.

(31) Gal. Introd. c. 9. p. 368. t. II.

(32) Sprengel. l. c. p. 94.

(33) Gal. de Differ. feb. c. 5. p. III. t. VII.

pulsum durum dicebat Archigenes; (34) pulsus enim signa diagnostica subtiliter et acute perscrutabantur Pneumatici, maxime quidem inter se dissidentes de pulsûs definitione. (35).

Uti pulsum, sic etiam dolorum, varias statuit Archigenes differentias et quidem hanc ob causam, ut tradit Galenus, (36) quod ex iis conficere posse putabat, quaenam partes corporis morbo laborarent.

§. 6. Ne limites mihi propositos transgrederer, memorata Pneumaticae doctrinae momenta leviter attingere debui, quae tamen meo scopo sufficere existimo. Vidimus igitur de quibusdam placitis et opinionibus eorum, qui, ut dicit Osterhausen, (37) primo principium quoddam, ratione particeps, et in sano corporis statu, et in morbis actuosum, posuerunt, licet eidem auctori non assentiar dicenti: eos primos fuisse, qui quoddam philosophorum systema cum medicinâ conjungentes, naturae phaenomena, quae in corpore sano et a morbis affecto occurrere solent, doctrinis hujus philosophiae explicarunt. (38) Facile denique apparet e permultis placitis, unde petita sint, cum, ut Ciceronis verbis utar, „ stoicorum, non ignores, quam sit subtile, vel spinosum potius, disserendi genus.” (39)

(34) *Idem l. c. l. I. c. 9. p. 119.*

(35) *Conf. Osterhausen l. c. p. 56. seq.*

(36) *De loc. affect. cap. 2. p. 401. seq.*

(37) *l. c. p. 72.*

(38) *Ni fallor eos antecedit Asclepiades atomisticus.*

(39) *Lib. 3. de finib. cap. 1.*



---

## SECTIO SECUNDA

CONTINENS OPINIONES ET PLACITA SECTAE IATRO-  
CHEMICORUM, IATRO-MATHEMATICORUM ET  
ANIMISTARUM.

---

### C A P U T I.

OPINIONES ET PLACITA SECTAE IATRO-CHEMICORUM.

§. 1. **H**ujus sectae primordia ab Alchemistis repetenda videntur, qui sedulam operam navabant, ut praeparationibus suis Alchemisticis remedium detegerent, quo uno omnes corporis morbos solvere possent (1). Spem vero fefellit eventus, qui sacram illorum auri famem non explevit, verumtamen, ipsis velut insciis et nil tale molientibus, chemiae progressus extendit. Mox enim quaedam principia, corpus humanum constituentia, ab illis ex suâ theoriâ statuebantur, unde non parum frugis sibi in re medicâ proponebant inventores, (2) diaeteticâ vero posthabîtâ indagationem causae et naturae mali negligebant. (3) Helmontius autem non, ut Paracelsus, tria principia chemica sal, sulphur et mercurium (4), pro ele-

(1) Boerhaave *Elem. Chem. t. 1. p. 19. edit. Haller Lugd. Bat. 1732. 4°.*

(2) Sprengel. *l. c. t. 3. p. 370.*

(3) Boerhaave *l. c. et Meth. Med. t. 2. p. 848. seq.*

(4) Kiezer *Syst. d. Medicin. Bd. 1. p. 44.*

elementis habebat, sed ex aquâ et fermento haec producta oriri dicebat; ille non solum ad materiem, illiusque mixtionem attendebat, sed inprimis ad quandam vim in organismum agentem, quam *archaeum* vocabat, sicuti Paracelsus (5).

Ex his postea Fr. de le Boe Sylvius quaedam suscepit et, Chemiâ in medicinam iterum inductâ (6), secundum praecepta chemica medicinam theoreticam et practicam tractabat (7), et haberi potest fundator medicinae Iatro-chemicae (saepius Sylvianae dictae), dubitari vero licet, an vera quidem sint, quae dicit Sylvius: (8) „in dies proficio in naturalium rerum cognitione promovendâ, et quidem secundum fundamenta, quae mihi arbitror propria, postquam neminem novi, qui eadem sequatur, habeatve cet.”

§. 2. Sylvii autem doctrina praecipue redit ad theoriam fermentationis, quo motu fermentativo chylicationem aliasque organismi operationes explicare conatur. Chylicationem e. g. fermentativum processum vocat (9) ob sequentes rationes.

1<sup>o</sup>. Cibi, salivâ imbuti, in ore jam signa fermentativae alterationis prae se ferunt, in ventriculo perficiendae.

2<sup>o</sup>. Pars alimentorum, per aliquot horas in ventriculo remanens, in materiam albicantem, rarescen-  
tem

(5) Sprengel. *l. c.* p. 317. et *t.* 4. p. 347.

(6) Boerhaave *Elem. Chem.* *t.* 1. p. 26.

(7) G. C. F. Kapp's *Syst. Darst. der durch die neuere Chemie in d. Heilk. bewirkt. veränder. und verbess. cet:* p. 4. seq. Hof. 1805.

(8) *Meth. Med.* *l.* II. c. 22. p. 129. *Amstel.* 1680. 4<sup>o</sup>.

(9) *Disput. Med.* 1. p. 12.



tem, ac tenacem convertitur, quae valde similis est massae panis fermentati.

3°. Alimentorum reliquiae, ventriculi tunicae interiori adhaerentes, et salivae deglutatione spumosiores factae, fermenti ope, assimilantur. (10).

Haec autem subjungit Sylvius: „concurrunt ad alimentorum fermentationem in ventriculo rite subeundam:

1°. *Aqua* ex potu vel potulentâ ciborum parte, et et e salivâ petita. 2. *Ignis* moderatus a corde per arterias cum sanguine ventriculo communicatus, interne vel externe auctus. 3. *Liber halitibus* (11) *exitus*. 4. *Sal in salivâ latitans*. 5. *Pars salivae spirituosâ*, sicut, ait auctor, docemur e spiritu vini aliis rebus fermentandis commode admixto. Chyli autem, vel, si mavelis secundum Sylvii theoriam, alimentorum partis purioris, in ventriculo fermentorum, separationem a faecibus alvinis obtinere per effervescentiam credit Sylvius, quo suum conferunt bilis, et succus pancreaticus (12), nam in iis effervescentiae requisita reperiuntur, bile multum salis retorridi (qualem calcinatio diuturna exhibet) continente, accedente insuper paucâ oleo, paucâ spiritu volatili, paucâque aquâ, succo pancreatico, salivae valde simili, constante imprimis ex aquâ multâ paucâque sale ac spiritu.”

Sic corporis humani functiones explicare solebat Sylvius, sectae Iatro-chemicae princeps, qui ea, quae

(10) Dicit auctor (*l. c.*) in saliva primarias fermenti vires contineri.

(11) Halitus vocantur gazosa. Conf. Sprengel. *l. c. t. 4. p. 391.*

(12) Sylv. *Disp. II. p. 14.*

quae in vase chemico observabat, statim transferebat ad organismum animale.

§. 3. Ubique fere laudat Sylvius experientiam, ita ut saepius repetat „ nihil in medicinâ vel naturalium rerum cognitione admittendum pro vero, nisi quod verum esse ostenderit, aut confirmârit per sensus externos experientia, ” (13) quâ re ea, quae medicam artem spectant, is facilius, secundum illius opinionem, comprehendet, qui illam cognitionem acquirere tentat per experimenta Anatomica, Practica et Chemica. Primus autem videtur Sylvius acritatis notionem eo sensu in artem medicam introduxisse, ut per illam intelligeret quoddam principium humorum praevalens, e quo omnes profluerent morbi (14), quare, duplici acritatis distinctione acceptâ i. e. spiritu acido et sale lixivioso (15), duplicem etiam morborum classem admittit, quos vel ad unam, vel ad alteram praedominantem humorum mixtionem referendos esse credebat. Dicit enim ipse Sylvius (1): „ qui — illustratam habet mentem, novitque, si non ex veterum récentiorumque monumentis, saltem me praeëunte, per ipsam experientiam, duo tantum reperiri et dari in rerum naturâ acria, et quidem sibi contraria, salsum lixivum et acidum; atque ab illis vel purioribus, vel minus puris, confluentibus aut junctis, excitari effervescentiam, et pugnam saepius cum calore, rarius cum frigore junctam, facile concit-

(13) Conf. *Disput.* IX. p. 41. et *Disput.* X. p. 47.

(14) Sprengel. *l. c.* p. 293.

(15) Sylv. *Disp.* VIII. p. 40.

(16) *Prax. Med. Append. Tract.* I. c. 8. p. 615.



cipiet in affectu alterutrum vel utrumque ponendum" cet.

Nervosorum morborum originem repetit Sylvius a spiritibus animalibus, qui ad functiones animales, sicut ipse monet (17); requiruntur puri, continui, mobiles ac sedati; hos spiritus gigni e sanguine ad cerebrum et cerebellum appulso statuit auctor, partim nutritioni, partim elaborationi spirituum animalium inservienti, et quidem per ramos arteriarum Carotidum et Cervicalium in superficie decurrentes, cum ii, qui ad ipsam medullarem cerebri cerebellique partem transeunt, eorundem nutritionem perficere videntur (18). Animadvertendum vero est, Sylvium in iis morbis, qui functiones animales turbant, semper etiam ad quamdam acritatem respicere, sic e. g. ponit spiritum acidum volatilem causam remotiorem Epilepsiae. (19)

§. 4. Jam vero non difficile videtur conjicere, quae nam medicamenta inprimis in usu Sylvii erant, et certe non miraris invenire acida et salina lixiviosa

sa

(17) *Prax. Med.* l. II. c. 20. p. 425.

(18) *Disput. Med.* 4. p. 20. Peculiaris etiam est, quae ibi memoratur, Auctoris sententia, suspicantis, hosce spiritus, suam functionem animale peragentes non in totum absumi aut in auras evanescere; sed in lympham mutari, quae per vasa lymphatica, sanguini parte sua spiritiosa plurimum destituto, advehitur. Illius sententiae mira est convenientia et similitudo cum theoria dein proposita et confirmata de fluido nerveo a vasis lymphaticis absorpto. Vid. Th. Sömmerring et J. F. C. Sebastiaan *Verh. over het Zenuwvocht opgenomen door de watervaten in Nieuwe Verhand. van het Legaat van Monnikhof* I. d. Amst. 1811.

(19) *l. c.* Conf. Sprengel. *l. c.* p. 395.



sa (20), per spiritum volatilem alterata et plus minus volatilisata, quo pertinet spiritus salis, cohobatione iteratâ cum spiritu vini, dulcis factus; sal tartari itidem cum spiritu vini volatilis redditus; sal succini, urinae, cornu cervi; ipsumque sal ammoniacum crudum, ejusque spiritus, sive sal volatile cet: quibus fermentationem abolitam vel diminutam promovere tentabat (21), nec minus laudat terrestria, absorbentia, quae suis subjungit sic dictis alterantibus (22).

Praecipue autem de Sylvii morborum curatione valent, quod ea maxime consisteret in quâdam perversae humorum mixtionis mutatione, quem scopum, ut attingeret Secta Iatro-chemica, varias moliebatur praeparationes, quas ad morbos, quibus convenire videbantur, exiguo, sicuti dicit Boerhaavius (23), cum judicio, absque distinctione causarum et temporum applicabant.

§. 5. Rudimenta chemiae, quae Paracelsus, et Helmontius posuerant, dein Sylvius elaboravit et denique recentiori tempore in memoriam, quâ exciderant plurima (24) eorum placita, reduxerunt Priestley, Rigby alique, qui novis inventis chemicis instructi, iterum phaenomena corporis animalis e Chemiâ explicare conati sunt. (25)

Priest-

(20) *l. c.*

(21) *Sylv. Prax. Med. l. i. c. 7. p. 168.*

(22) *Meth. Med. l. II. c. XI. p. 107. Cap. XXIII. p. 131.*

(23) *Meth. Med. t. II. p. 849. seq.*

(24) *Kapp l. c. p. 8.*

(25) *Hecker Theorien en Stelsels oet. p. 117. vert. door v. d. Breggen. Haarl. 1809*

Priestley autem, variis aëris principiis cognitis (26), novam proponebat theoriam, juxta quam perhibebat respirationem esse chemicum processum, quo corpori subducitur phlogiston, illiusque loco substituitur caloricum liberum. Ejusmodi principiorum permutationem etiam cutim operari dicebat Priestley.

Jam vero perorumque morborum originem eorumque phaenomena deducebant Chemici a nimio calore corpori inducto vel a phlogisti retentione, in quo casu aëris puri dephlogisticati usus valde laudebatur, et vario modo adhiberi solebat.

Hancce sententiam etiam amplectitur Rigby (27), sed in eo a Priestleyo dissentitur, quod secundum ipsius sententiam ventriculus sit focus, qui ciborum caloricum subtrahit, cujus quaedam pars semper aninitur corpus permeare; hac autem perspiratione irregulari, morbi oriuntur cutanei, et alia morbosa phaenomena.

§. 6. Sic plura explicare tentavit Chemia quâdam principiorum affinitate, per quam corporis alicujus disjunctio obtinet, accedente uno alterove principio, quod validius in moleculas corporis constituentes agit, ipsarumque cohaesionem tollit, atque aliam constituit; ipsa vera Chemia ejusmodi mutationem

(26) *Phil. Transact. vol. 62. p. 257. — Directions for impregnating water with fixed air. Lond. 1772. 8°. — Versuche und Beobacht. üb. verschied. Gattung. d. Luft aus d. Engl. Wien. 1778.—1780. 8°.*

(27) *Versuch. üb. d. Ursprung d. thier. Wärme nebst ihre Anwend. cet. übers. v. Diel. Altenb. 1789. Conf. ea, quae memorat de iis Crawford. Vers. u. Beobacht. üb. d. Wärme cet. a. d. Engl. v. Crell. Leipz. 1785.*



nem subiit, cum ipsius forma mutata sit, novo accedente principio, quod theoriam phlogisticam turbasse, et in antiphlogisticam mutasse videtur.

Doctrinā enim phlogisticā modo ad caelum laudibus elatā, nunc iterum rejectā, prodiit Girtannerus, qui oxygenium habuit (28) pro principio irritabilitatis, quae regno vegetabili et animali inest, cui principio tota innititur medicina antiphlogistica. (29) Inde explicanda sunt, quae proponit Trotter (30) de scorbuti origine, secundum illius sententiam, oriundi ex oxygenii defectu, (31) quam opinionem etiam amplectitur Beddoes (32), qui ab oxygenii abundantia phthisin derivat.

Ackermann (33) vero tria admisit principia che-

(28) Sprengel's *Uebersicht cet. p. 48. seq.*

(29) Hecker *l. c. p. 190. seq.* Inter alios multa dubia de hoc principio protulerunt Hufeland. (*Ideën zur Pathogenie p. 125. Jena 1795. 8°.*) Brandis (*Vers. üb. d. Lebenskraft. Hannov. 1795. 8°.*) Herdmann. (*An Essay of the causes and phenoments of animal life. Lond. 1795. 8°.*)

(30) *Observations on the Scurvy, London 1792. 8°.*

(31) Conf. G. C. Kapp's *System. Darstell. der durch die neuer. Chem. in d. Heilk. bewirkt verander. und verbess. cet. Hof. 1805. p. 4.* „So setzte Cartesius den grund aller böartigen Fieber in Mangel an Sauerstoff, woraus erhelt, dass nichts Neues unter der Sonne geschah, wenn Reich ein ganzes Jahrhundert später den generischen Character der Fieber in absoluter oder relativer örtlicher oder allgemeiner Verminderung des Sauerstoffs setzte, und vorzüglich die mineralischen Säuren als die wirksamsten Heilmittel anrühmte.“

Conf. J. F. C. Sebastian *l. c. 1. d. 2. st. p. 99.*

(32) *Observat. on the natur. and care of Calcul. Seascurvy, Comsumptions cet. Lond. 1793. 8°.*

(33) *Vers. ein. Phys. Darstell. d. Lebenskraft organ. Körper, Frankf. am Main. 1797. 8°.*



chemica, Carbonicum, Oxygenium et Caloricum, quorum ope omnes corporis functiones peragi dicit.

His autem principiis Baumés non contentus plura constituit (34), quibus omnes explicaret morbos, distinctos scilicet majori copiâ Oxygenii, Calorici, Hydrogenii, Azoti, et Phosphori, cui divisioni respondebat remediorum distinctio. (35)

Similia condiderunt Peart (36) et Humboldt, (37) alique, diversa vero fere omnia reprehenduntur, ita ut eadem nobis de recentioribus Chemicis constent, quae Boerhavius de antiquioribus, dicenti (38): „ne tamen quis existimet in uno id exemplo obtinuisse; enimvero vix prostat illustre, in quod idem non inciderit arguendi genus. Inde multiplex adeo inter illos Secta est, condente quolibet per varia experimenta doctrinam universalem suis propriam, suis adstrictam observatis, ut tandem vix reperiatis, qui super eâdem re inter se non contendant.”

(34) *Vers. e. Chem. Syst. z. Kenntn. v. d. Bestandsth. d. Menschl. Kôrp. a. d. Franz. v. Karsten, Berlin. 1802. 8°.*

(35) Sprengel's *Ueber. p. 450 et 458.*

(36) *Physiology or an attempt to explain the functions cet. Lond. 1798. 8°.*

(37) *Grens neues Journ. d. Physik. Bd. IV. p. 171. seq.*

(38) *Orat. de Chemia suos errores expurganti in Opusc. p. 40. Hag. Comit. 1738. 4°.*

CAPUT II.

OPINIONES ET PLACITA IATRO-MECHANICORUM.

§. 1. **T**ria refert Sprengelius (1) momenta, quae non parum contulisse videntur ad sectam Iatro-Mechanicorum condendam, 1°. nempe circulatio sanguinis ab Harveyo recens detecta; 2°. Philosophia Cartesiana et 3°. Galilei Schola, quae si consideremus, nequaquam mirabimur illorum temporum philosophos mechanices studio et hinc philosophemata ex hac Scholâ derivanda in medicinam tum theoreticam, tum practicam introducta fuisse.

Quid mirum? sanguinis circuitu demonstrato, facile concludebant medici corpus esse machinam hydraulicam, (2) in quâ sanguis, sic ut iners fluidum, per suos canales duceretur, nec difficilius jam ipsis videbatur, vires motrices sanguinis computare. Praeterea hisce conveniebat doctrina Cartesiana, quae inprimis disciplinam mathematicam cum medicinâ conjungere studebat (3). Nec minus Galilei asseclae Sectae Iatro-mathematicae amplificandae profuisse videntur, qui Physi-

(1) *l. c. t. 4. p. 471. seq.*

(2) Hecker *Theorien cet. p. 110. seq.*

(3) Donzellini *de usu Mathemat. cet. vol. 2. p. 516. Genev. 1719. 4º. Conf. Sprengel. l. c. p. 371. seq. 472 et 487. seq.*



sices, Mathematices aliarumque scientiarum culturam tanto ardore et diligentia prosecuti sunt (4). Huius autem Sectae Iatro-mechanicae auctor fuit Borelli, Scholae Galileanae discipulus, et nemo certe est, qui miretur, illius Sectae principem ex hac Schola provenisse.

§. 2. Optime meritis est Borelli de explicanda actione musculorum et motu ossium, quae tanquam vectes considerat et ea, quae docet de iis, scite in corpus humanum applicat (5); fibras autem musculares sibi fingit e rhomboïdeis figuris compositas, quae invicem cohaerentes seriem fibrarum constituunt. (6).

Quid autem haecce instrumenta motus movet? quanam exstat causa proxima motus musculorum? Hic non prorsus se extricare potuit Mechanicus a principiis chemicis theoriae, ipso quasi invito, adhaerentibus, cum Borelli illam causam motricem statuatur in quadam fluidi nervei et sanguinis effervescencia, quae intumescenciam muscoli gignit (7). Ab hoc autem fluido nerveo, si acrimoniam contraxerit, et cor stimulo suo incitaverit, febris naturam deducit, quo sanguis nihil contribueret (8). Mentione enim supra facta (9) experimenti Fracassati Mal-

(4) Vinc. Viviani's *Lebensbeschreib. desselb.* in Heumann's *Act. Philos.* t. 3. p. 261. seq.

(5) Borelli *de motu animal.* l. I. prop. 9. p. 17. prop. 17. p. 26.

(6) *l. c.* prop. 119. p. 156.

(7) *l. c. lib. II.* prop. 26. p. 46.

(8) *l. c.* prop. 225. p. 337.

(9) *l. c.* prop. 224. p. 334.



pighio communicati (10) typum febris periodicum explicat e quadam fluidi nervei vitiati retentione in glandulis (11).

Quae vero memorat auctor de aliis corporis phaenomenis, de respiratione e. g. magis ipsum studium mechanices declarant, (12) quod etiam demonstrat ipsius sententia de digestionem, in quâ ventriculi vires computabat (13), ac si eas, bilanci impositas, ponderavisset (14).

Praeterea secretionem explicare solebat e vasorum diametro, quae diversa etiam diversam determinare debebat secretionem (15).

§. 3. Similia etiam referebat Bellini, sed in secretionem, cujus explicationi inprimis studuisse videntur Mathematici, praeter vasorum diametros, angulos cet: quoddam fermentum assumebat, sententiam Iatro-chemicorum secutus (16).

Quod autem attinet ad sanguinis circulationem in vasis capillaribus, putat Auctor, in iis sanguinis motum, ob maiorem resistantiam arctiorum vasculo-  
rum

(10) Fracassati in animalium venas injiciebat acria, cui operationi forsitan ansam dederat transfusionis methodus, de quâ Sprengelius dicit, Libavii mentem referens: „Nach seinem (Libavii) Berichte hatte diese Methode ein Schwärmer empfohlen, der zwar nicht zur Secte der Paracelsisten gerechnet sein wollte, aber desto mehr Rozenkreuzer war.“ Sprengel t. 4. p. 46.

(11) l. c. prop. 227. p. 344.

(12) l. c. c. 7. prop. 90. p. 129. et alibi.

(13) l. c. prop. 191. p. 289.

(14) Sprengel. l. c. p. 66. seq.

(15) Borell. l. c. prop. 145. p. 220.

(16) Bellin. Opuscul. p. 183. Lugd. Bat. 1696. 4<sup>o</sup>.

rum (17) minui, attritum vero augeri, unde globulorum sanguineorum sejunctio. Erat enim, quae fere omnibus placebat, opinio, quod e quibusdam globulis sanguis constaret, quorum motus computabatur (18). Ex illorum globulorum circa axin volitantium attritu particulas aethereas dissolvi putabat Bazzicaluve (19), et inde explicanda esse calorem animale, fermentationem sanguinisque mixtionem.

Pitcarn vero nequaquam concedebat per fermentum fieri secretionem, dicebat enim, ad fermentationem requiri quietem, et atmosphaerae aditum, praeterea perhibebat, tumultuosam fermentationem sine dubio irregularem fieri debere circulationem, quae e contrario procedit regulari motu (20).

Hujus autem viri lectionibus interfuit Boerhaavius, qui plurimi faciebat Mechanicam, eamque plerumque ad corporis functiones applicare conabatur (21), ipse enim dicit: (22) „cuncta fere, quae vitam sanitatemque nostram faciunt vel sequuntur, penderè a motu illo, quo humores per vasa mutua plane moventur et agunt, vicissim agitatione, cujus ef-

(17) Ab hac vasculorum minori capacitate repetenda est theoria obstructionis, quam dein permulti auctores inflammationis causam habuerunt. Conf. Sprengel. *l. c.* p. 78.

(18) De Sandris *de natur. et praeiurnat. sanguin. statu.* pag. 109. seq. *Francf.* 1712. 10.

(19) *Novum Syst. Medico-Mechan.* p. 12. seq. *Paris* 1701. 4to.

(20) *De circulat. sanguin. cet. in Opuscul.* p. 10. Conf. ea, quae dicit Pitcarnius de ventriculi fermento in libro *de motu, quo cibi cet.* pag. 32. seq.

(21) Sprengel *l. c.* p. 502.

(22) *Orat. de usu ration. Mechan. in Medic.* p. 25. edit. 3. *Lugd. Bat.* 1730 4°.



effectus (ita pergit) et leges quum soli rite intelligant, explicent et demonstrent in Pneumaticis atque Hydraulicis Mechanici, concludo cuncta ergo disciplinae subjecta Mechanicae" (23).

§. 4. Nequaquam profecto mirandum est, quod Iatro-mathematici, qui tanti momenti habebant sanguinis circulationem, inprimis etiam attenderint ad secretionem, illarumque functionem investigaverint. Videbant enim arcte cohaerere circulationem cum hac organismi operatione et, illâ calculis mathematicis subjectâ, minime haesitabant de proferendis sententiis mechanicis quoad secretionem. Sic mere mechanica erat theoria, quam proponebat de circulatione et secretionem de Moor (24), omni explicatione a sanguinis pressione deductâ, quam alii deducere malebant, Newtoni placita secuti, ex homogeneâ attractione, quam ab heterogeneâ eo distinguendam esse putabat Keilius (25), quod haec omnes sanguinis particulas conjungat, illa vero certas tantum colligat; jam vero ratione inversâ imminuentis motûs sanguinis augeretur mutua attractio partium homogenearum, quâ tandem fieret in organis secretoriis molecularum sejunctio a sanguinis massâ. Patet inde

Kei-

(23) Conf. *Mechan. Morbor. desumpt. a motu sanguin.* Auctor. J. B. Marino Part. 1. p. 1. Offenbaci ad Moenum. 731. 4to.

(24) *Cogitat. de instaur. Medicin.* p. 40. Amst. 1695. 8°. Cujus opinioni convenit ea, quam Marinus proponit. (l. c. p. 13.) „Sanguineum (nempe) laticem in glandulis peculiarem a specificâ glandularum structurâ motum probabiliter mutuari, ut separanda corpora apte secernantur."

(25) *Tentam. Med-Physic.* p. 47 et 62. Lugd. Bat. 1724. 4°.



Keilium iterum minoris pretii habuisse aliorum opiniones de vasorum diametris, angulis cet (26).

Hecquétio autem, qui inter alios digestionem etiam modo mechanico, per ventriculi attritum scilicet, explicare tentat, nec per fermentum chemicum fieri scite contendit (27), minime sententia placebat eorum, qui cordi uni vires sanguinis motrices tribuebant, ipse vero malebat Hoffmanni (28) sententiam amplecti de solido vivo, juxta quam circulationis et secretionis ratio sufficiens in quodam vasorum motu oscillatorio poneretur. Vires enim cordi non tantas concedebat, quantas statuere vulgo solebant Mathematici, quae ei videbantur quadruplo superare ventriculi vires (29).

§. 5. Jam etiam nonnulli petebant febrium originem e circulationis vitiis. Locum habet stagnatio in vasculis minoribus, quae, vel nimis contracta, vel nimis dilatata febrium typum ponunt; febres continuæ a sanguinis retentione in contractis vasculis, putridæ ab ejus stagnatione in nimis dilatatis deducuntur (30).

Opi-

(26) Sprengel. *l. c.* p. 514. 517. alibi.

(27) *Traité de la Digestion des Alimens.* p. 20. seq. Paris 1712. 8°.

(28) Fr. Hoffmannus e placitis mechanicis et mathematicis organismi phaenomena exponere tentabat, illorum vero causas e viribus animali oeconomiae privis. Conf. Sprengel. *l. c.* t. 4. p. 501. Simili ratione Sauvagesius utebatur disciplinâ mathematicâ et doctrinâ Stahlianâ. Spengel. *l. c.* p. 498. 524.

(29) Hecquét. *l. c.* p. 109.

(30) Gourraigne *de Febrib. juxt. Circulat. leges.* p. 16 et 323.

Opinionem, quam de calore animali proposuerat Martine (31), refutat Stevenson (32), eamque minime repetendam esse ab attritu globulorum sanguineorum in vasorum parietes contendit, calor enim animalis non semper respondet (sic argumentatur Stevenson) pulsum numero, sanguis arteriosus calore venosum non superat, licet in venis attritus minor sit.

Praeterea contendebat Stevenson, praeëunte Pitcarnio (33), motûs sanguinis, quo longius a corde recedit, celeritatem decrescere ob ampliorum vasorum capacitatem, ratione habitâ ramorum majorum systematis vasculosi, ideoque attritum minui. Newtonis principia de vi attractivâ multum in rei medicae formâ mutandâ valuerunt, nimirum Robinson, qui quidem inflammationem dicebat sanguinis stagnationem, non eam considerasse videtur, quasi natam errore loci globulorum rubrorum, in vasis lymphaticis impactorum, sed potius tanquam solidorum sobolem. Is enim praeter vires attractivas solidis et fluidis inesse quandam vim repulsivam dicebat (34), quarum actione et reactione harmonicâ bona perficeretur humorum mixtio, et integra perstaret sanitas; statuebat denique omnes morborum causas

(31) *De Simil. animal.* p. 187. Lond. 1742. 8°.

(32) *Medical Essays and Observat. of Edimb.* vol. 5. P. II. p. 806.

(33) *Dissert. de Circulat. sang.* p. 50. in *Opusc. Neapol.* 1721. 4to.

(34) *New theory of physick, and diseases.* p. 19 et 49. Lond. 1725. 8°.



sas agere in solida, omnesque affectiones morbosas consistere in illorum motu irregulari (35).

Contendebat etiam Robinson nervos non esse tubos, fluidum nerveum vehentes, sed conductores, sive chordas, quae tensionem vel vibrationem cerebro tradunt (36), sed, licet neget fluidum nerveum adesse, non potest non admittere aetherem animale, statuens tensionem per conductores nerveos, vibrationem vero inprimis per aetherem fieri (37).

§. 6. E memoratis satis constare videtur, quomodo Mathematicae et Mechanices studium in medicinam applicaverint nonnulli Medici; non enim opus esse credidimus, quod ea memoraremus, quae ad medicinae limites proferendos omni utilitate caruisse videntur.

Quid enim, quaeso, medici interest, scire pondus animalculi seminalis, (fac, illud revera existere, nec eum, qui talia proponit, pugnare cum umbrâ) cujus tam leve momentum est, ut difficulter numerorum serie notari possit, sed facilius indicet levitatem mentis ipsius computatoris? (38) Quid inde boni, quod cum Barry computemus dispendium virium cordis et auctam densitatem minimarum arteri-

(35) *l. c. p. 60. 86.* Conf. hunc in locum [Sprengel. *l. c. p. 520.* ubi dicit: „Diese solidar theorie, entlehnten die engländischen Iatro-mathematiker von den Grundsätzen der Newton'schen Philosophie; Fr. Hoffmann aber aus der Principien des Leibnitzischen systems.

(36) *On the Spleen. p. 102. seq. Lond. 1729. 8°.*

(37) *l. c. p. 158.*

(38) Wintringham *Inquiry into the exility cct. p. 17. Lond. 1743. 8°.*



riarum in proveciori aetate? (39) Nonne solidioriteretur fundamento Hippocratis Prognosticon, quam quidem nostri auctoris, qui computatione subtiliori fretus, vaticinatus est numerum annorum, quos viveret homo (40)?

Haec autem sufficient, ni fallor, ad mentem medicorum Mathematicorum cognoscendam.

### CAPUT III.

#### OPINIONES ET PLACITA SECTAE ANIMISTARUM.

§. 1. **S**tahlius, quem licet forsan praeiverint nonnulli, quorum placita nonnunquam cum suis principiis conveniunt, illorum opiniones et dogmata ita ampliavit et exposuit, ut Animistarum sectam condidisse et stabilivisse (1), et veterum restaurasse doctrinam organicam dici mereatur (2). Hic autem,

(39) *Treatis. on the three different digestions cet. p. 130. Lond 1759. 8°.*

(40) Sprengel. *l. c. p. 532. seq.* Wenn  $f$  das gewöhnliche Lebens-alter = 70 Jahre:  $b$  die gewöhnliche Zahl der Pulse in einer Minute = 60:  $c$  die Zahl der Pulse im ganzen Leben. Wird nun durch Diät fehler die Zahl der Pulse bis  $z = 75$  erhöht, so verhält sich  $z : b = f : \frac{bf}{z}$ . Der mensch wird also nur  $56\frac{60}{75}$  Jahre alt.

(1) *Idem Pragm. Gesch. t. 5. p. 9. seq.*

(2) F. W. ab Eisenhart *de Histor. Doctr. Med. Organ. cet. 43. Conf. Blumenbach Medic. Biblioth. 2. Bd. 2. st. p. 396. seq. Gött. 1785. 8vo.*

tem, cum perspiceret, Mechanices vel Chemiae studium non satis valere ad leges oeconomiae animalis explicandas et ad illud principium eruendum, quo omnes hi effectus, quos observabant et explicare conabantur illi medici mechanico vel chemico modo, perficiebantur, sublimiora petiit et spiravit, aliunde, quam ex humorum vel solidorum vitiis, suam petiens theoriam. Quid? non intelligebat, quomodo fieri possit, quod corpus animale tam raro morbis, ex acritate humorum oriundis, laboraret, licet tanta acrium copia ingeri soleat (3). Observaverat quidem Stahlius saepius efficacem pathematum vim ad gignendos morbos, in quibus nulla vitiata mixtio vel mechanica quaedam perversa ratio praecesserat, sed solummodo turbata motuum vitalium actio. Illorum autem motuum studium constituere veram theoriam, quâ illustratur res medica, putat Auctor, iisque inniti debere, ne forsitan quasdam opiniones pro vero habeamus theoremate, inter quae distinguendum quidem esse annotat (4). Sic, licet Physices, Chemiae et Anatomiae studium minime reprehendat, ea tamen nequaquam ad explicanda organismi phaenomena sufficere credit (5), cum vera physiologia, ex ejus opinione (6), minus consistat in subtiliori anatomia vel in applicatione dogmatum chemicorum, quam quidem in exponendis legibus et regulis organis-

(3) Sprengel. *l. c.* p. 13.

(4) Stahlii *Propemptic. inaug. de opinion. Med.* ad Emmerich *Diss. de Morb. corrupt.* Halae 1702. 4to.

(5) Stahl *Paraenes. ad aliena a med. doctrin. arcendum.* pag. 16. seq. Hal. 1706. 8vo.

(6) Idem *Negot. otios.* p. 47. seq.



nismi, juxta quas motus vitales ordinantur. Unica autem via, quâ illarum legum cognitionem adipisci possumus rationalis Stahlio est empeiria, ex quâ nimis neglectâ causa dissensûs medicorum petenda videtur (7).

§. 2. Omnes autem organismi motus, omnis organica operatio secundum doctrinam Stahlianam pendet ab animâ, principio immateriali, sub cujus imperio omnes peragerentur corporis functiones, ejusmodi enim principium immateriale solummodo corporis (i. e. ex ejus opinione, materiae passivae) motus efficere posse primum est Stahlii placitum (8). Omne materiale medium negat Stahlius in actionibus organismi perficiendis, dicit ipse (9): „absona penitus est et ingeniorum acumine indigna distinctio illa inter crassius et subtilius materiale, et hujus posterioris majorem convenientiam, et propius aliquod commercium cum immateriali,” supra autem dicerat auctor (10): motu — „omnia utique sua agit anima.” Doctrina Stahlianâ eorum sententiam rejicit, qui putant, conceptionem fieri per quemdam nisum formativum, omnium enim corporis functionum primum agens ad unum refert principium, animam scilicet, quae omnes organismi vires comprehendit (11). Eadem enim est, secundum illius sententiam, concep-

tio-

(7) *Idem Propempt. Inaug. de dissens. Medicor. ad Loges Diss. de Ven. Sect. in acutis. Hal. 1703, 4to.*

(8) Sprengel. *l. c. p. 18.* Kortum. *Skizze ein. Zeit. und Literärgesch. cet. p. 400*

(9) *Theor. Med. Part. 1. Sect. 1. p. 19. Hal. 1707.*

(10) *l. c. p. 17.*

(11) Sprengel. *l. c. p. 25.* Tourtelle *Hist. Philos. cet. t. 2. p. 447.*



tionis vis ac ea, quae nutritionem et partium deperditarum redintegrationem operatur (12). Ad illam opinionem conceptionis confirmandam adducit matris imaginationis efficaciam, et influxum in foetus formationem (13).

§. 3. Nutritio autem, cum ex illius opinione nihil aliud sit, quam continua conceptio, non minus, ac haec animae operatio, est sub illius imperio. Anima enim ἀπαιδέυτος (14) vi gaudet electivâ (15), quâ materiem suo loco convenientem appropriat, et sic miscelae integritatem unâ cum vitâ conservando facit τὰ δέοντα.

Ad secretionem explicandas praecipue attendit Stahlius ad separationem principiorum fluidiorum a spissioribus (16), et ad transudationem secernendorum immediatum sanguinis transitum ob vasorum plenitudinem in tenuissimas venarum extremitates non assumens (17). Praeterea in secretionibus multum efficere motus tonicos docet Stahlius (18), quo sanguis, ceterique humores propelluntur et ad certa organa diriguntur, cujus autem motus tonici causa iterum ad animam refer-

(12) Stahl l. c. Sect. IV. p. 246. seq. *Negot. Otios.* p. 93. seq.

(13) *Idem Theor. Med. l. c. p. 250.*

(14) Conf. ipsius *Propempt. Inaug. περί φύσεως ἀπαιδευτού* ad Volhart. *Diss. de Natur. error. Med. Hal.* 1703. 4to.

(15) Stahl. *Theor. Med. Sect. III. p. 238.*

(16) Stahl *Theor. Med. p. 78. seq.*

(17) *Idem l. c. p. 79.*

(18) *Diss. de motu vitali p. 30. Hal.* 1702. 4to. ejusque *Comment. p. 35.* Conf. Stahl *de scriptis suis cet. p. 47. Hal.* 1707. et *Theor. Med. p. 333. seq. et l. c. Sect. II. p. 297.*

ferebatur (19). Elucescit inde, quod Stahlius pro spiritibus, quos alii admittebant, ille vero negabat, coactus fuerit aliam animae subordinatam statuere vim, cujus ope anima quosdam perficeret motus, ad vitam necessarios. Hanc opinionem ait Sprengel (20) deduxit ab irritabilitate Glissonis, qui vero illam animae adscribere noluit.

Hoc autem motu tonico accepto, dubium afferebat Stahlius theoriae Harveyi, qui circulationem mechanice explicare volebat, ac si sanguis sua sponte conflueret, quo minor erat resistentia; nec amplius eorum sententia satis valebat, qui ex stagnatione vel acritate humorum quaedam circulationis phaenomena explicare tentabant, cum jam ex theoriâ stahlianâ tantummodo ea in censum venirent, tanquam stimuli organismi animalis, qui, motu tonico animali adaucto, convulsiones, febres, congestiones cet. efficere poterant (21).

#### §. 4.

(19) *Theor. Med.* p. 18. ubi dicit: „— omnes actiones in corpore, quae tam ad ejus *structuram*, quam *mixtionis conservationem* pertinent ab ipsa *anima*, et propter suos *usus* atque *finis* suscipiantur, et ea *proportione* atque *ratione* quae *scopis* illis atque *usibus* convenit, *scite et convenienter* regantur, imo absolvantur: et hoc quidem actu illo, *animae ipsius indoli* quam maxime *gemino*, nempe in se *incorporeo motu*. Nec *incorporeo* solum, sed etiam ita *scite* atque *proportionate* administrato, quemadmodum *convenit* non solum *materialium* subjectorum *indoli*: sed ipsis usque nudis *simpli- cibus*, et plane *directis animae intentionibus*, *generalibus* inprimis, ut in *animi pathematibus*, reliquis, imo *specialiori*, in *nausea*.”

(20) *l. c.* p. 32.

(21) *Idem l. c. Theor. Med. Part. II. p. 298. seq.*



§. 4. „Verum *generalissimum subjectum* aegritudinum est *perturbata idea regiminis ipsius oeconomiae animalis*,” dicit Stahlus ipse (22). Non aliter fieri poterat, quin auctor talem morbi definitionem proferre debuerit, nisi discedere vellet a principio suo immateriali, quod omnes corporis partes, vel ratione, vel ratiocinio regeret. Illud autem placitum confirmat hominum major morborum numerus (23); anima enim humana, simulac morborum causae se offerunt, de sui corporis salute anxia, suamque salutem propugnans, inordinatos gignit motus tonicos, qui cum illis causis remotis plurimos componunt morbos (24). Quo sensibilius et irritabilius subjectum est eo magis dispositum ad morbos censetur a Stahlio (25). Frequentior autem erat, secundum illius doctrinam, plethora morbi causa; thema enim illius fuit

(22) *Theor. Med. Part. II. p. 20.*

(23) *l. c. p. 12.* Dicit autem ibi A. „certissime vero omnium (etiam locutus erat de victus abusu) frequentius obnoxii sunt atque manent morbidis affectibus, quicunque animi moribus atque motibus multum indulgent” cer.

(24) *l. c. p. 64. ubi notat A.* „Motuum autem ratio, quatenus *praeter ordinem naturalem* in corpore conspicui facti vel *incommoda* vel *pericula* formant atque foveant, pendenda omnino venit *duplici* hoc intuitu; nempe primo, unde pendeant; an *simpliciter praeternaturales, perversi*, ab ipso morbo ita corrupti, existant, et *physico* quodam successu *morbum sequantur* atque *materialibus nexibus* aliter se habere non possint; — an vero contra, saltem ordine *moralis, finali*, non a corpore, aut simpliciter per corpus sed PROPTER *usus* imo *necessitates* corporis *ut vivi* ut *conservandi*, tales contingant.” cer.

(25) *l. c. p. 19.*



fuit (26): „quae ad sustentationem augmenti corporis pertinent, facilius atque promptius abundanter colligi, et supra, quam ad ullum praesentaneum usum, nedum necessitatem.” Praeterea pro diversâ aetate diversa etiam corporis pars magis minusve statum plethoricum subire videtur, ita ut in aetate puerili motus tonicus dirigat maiorem sanguinis copiam ad caput, quod tunc temporis inprimis evolvitur, in aetate juvenili ad pectus, in proVectiori ad abdomen (27).

§. 5. Quaecumque autem causa morbosa corripit activum principium, id statim reagit et vitales concitat motus, (28) producit excretiones et secretiones, quibus morbi solvuntur. Haec est veterum naturae *Ἀυτοκρατία* (29) quale naturae conamen, suam salutem propugnantis, in febribus observamus (30). Semper autem Stahlius illam naturae *ἄυτοκρατίαν* sibi ante oculos ponebat in morborum curatione, per magni enim habebat illos motus tonicos, et nusquam obli-

(26) *l. c. p. 156.*

(27) Stahl et Gohl *Diss. de Morb. aetat. Hal. 1698. 4to.* „Vena Portae porta malorum:” theses erat vulgo a Stahlianis accepta, et ab ea deducebant plurimos morbos chronicos. Conf. Sprengel. *l. c. p. 36. seq.*

(28) *Motus* vitales a tranquilla sua, ordinata continuatione dimoventur, vel a posteriori quando materiae movendae debitae mobilitatis detrimentum patiuntur aut instrumenta tam impellentia quam admittentia, transmittentia, recipientia pervertuntur, vel a priori praecipue et eminentissime ab animi pathematibus. Stahl *Theor. Med. Part. II. p. 283.*

(29) Stahl et Lasius *Diss. de ἄυτοκρατία naturae. Hal. 1694. 4to.*

(30) *Theor. Med. Part. II. p. 293.*

oblitus fuisse videtur, medicum esse naturae ministrum, illiusque esse observare, quid natura faciat vel ferat. Ubi vero naturae liberae actionis obstacula observabat, ea, quae motus salutare impedire possent, tollere conabatur, attentus, quo natura vergeret, ut ipsius motus et conamina redderet facilia (31).

§. 6. Permulti autem fuerunt auctores, qui Stahlianæ sectae, (cujus ut et aliarum sectarum delineationem tantum duximus,) addicti, in verba magistri jurârunt, omnesque illius opiniones et placita acceperunt, (32) nonnulli tamen quoque exstiterunt, qui quidem Stahlîi principia secuti sunt, sed quaedam detraxerunt, alia addiderunt. Mox enim Eclecticorum more quidam medici ea principia cum aliis combinarunt, inprimis Iatro-mathematici, cum perciperent suas computationes mathematicas quodammodo quidem sufficere ad phaenomena quaedam oeconomiae animalis explicanda, minime vero ad illius vires indagandas. Inter illos numerare licet Cheynium, et Robinsonum, qui quidem animae influxum non negabant, nec tonicos motus, sed simul respiciebant admixtionem fluidorum, et formam solidorum. (33) Whyttius etiam strenue Stahlianam doctrinam de immateriali principio defendit (34), sed in eo a Stahlîo

(31) Stahl. *Theor. Med. Part. II. p. 292.* Stahl et Richter *Venae Sect. Patrocin. Hal. 1798. 4to.* Conf. Sprengel *l. c. p. 44. seq.*

(32) Sprengel. *l. c. p. 47—58.*

(33) *Idem l. c. p. 59. seq.*

(34) *Theor. Schrift. uebers. v. Si etzan. p. 250. Berl. 1790. 8º.*

lio dissentitur, quod motus vitales quidem ab animâ sensitivâ, sed non rationali petat (35).

Suavagesius et Mechanica et Animistica accepit placita (36); morbos autem, ut Stahlius, dicit oriri, ubi vitae principium reagit in causas, corpori nocivas; sic in febre circulatio acceleratur (37).

Haec quidem, licet levem hujus sectae praebeant delineationem, nostro scopo sufficiunt, ut jam comparisonem instituamus inter Veterum Recentiorumque sectas, ipsorum placita et opiniones.

(35) *l. c. p. 268.*

(36) Sprengel. *l. c. t. 4. p. 529.*

(37) Sauvages. *Nosol. Method. vol. 1. p. 261. seq.*



## S E C T I O   I I I .

CONTINENS EXAMEN CRITICUM MEMORATARUM  
VETERUM RECENCIORUMQUE SECTARUM.

## C A P U T   I .

EXAMEN CRITICUM OPINIONUM ET PLACITORUM  
SECTAE DOGMATICORUM, METHODICORUM,  
ET PNEUMATICORUM.

§. 1. **C**erte non mirandum, artem medicam, vix in scientiarum ordinem reductam, nec amplius, ut antea, cum aegri, in foro collocati, a praetereuntibus expertum mali levamen implorarent, fieri solebat, inepte et sine consilio tractatam, vario modo cultam fuisse.

Vix enim haec ars, antiquitus vulgo divina habita et certis divinitatibus consecrata (1), inter humanas scientias recepta erat, quin dissensiones orirentur, quae a suis fautoribus acriter propugnatae, dubiam vulgo reddebant faciem medicinae, quae per se naturae fundamento innixa, omni tempore eadem et immutabilis (2), tali dubitatione prorsus indigna erat.

Inde Dogmaticorum secta, Empiricorum scholae omnino contraria, inter quas Methodici medium tenuisse videntur, quos dein Pneumaticorum secta insecuta est.

§.

(1) Sprengel. *Pragm. Gesch.* t. 1. p. 69. seq.

(2) Gaub. *Inst. Pathol.* §. 20.

§. 2. Dogmatici autem sive ii, ut dicit Celsus (3), qui rationalem medicinam profitentur, prae ceteris medicis, qui alias partes sequebantur, ea considerasse videntur, quae (ut Celsi verbis (4) utar,) „adjuvant, excitando artificis ingenium.” Inprimis enim Dogmatici res naturae contemplati sunt, quae „contemplatio, quamvis non faciat medicum, aptiorem tamen medicinae reddit.”

Sed hîc iterum probatur, quod saepius jam probatum est, omne nimium nocere, nam nullum dubium est, quin Dogmatici, unam alteramve opinionem de quodam morbi principio majoris pretii majorisque momenti habentes, illius indolem saepius pro lubitu potius fingerent, quam quidem talem referrent, qualem certior experientia docet.

Empirici autem, solâ experientiâ freti, Dogmaticorum dissensiones intuentes, nihili ea, quae inprimis decere medicum arbitrabantur Dogmatici, aestimârunt, et, si nonnunquam illorum cognitionem admittant, nullum eorum usum monstrare nituntur, vel, si hoc etiam concedant, rursus ut supervacaneum reprehendunt (5). Sic sua vice experientiam Dogmatici damnant, alii tanquam inconstantem, alii ut imperfectam, ceteri ut artis expertem (6). Uterque autem et Dogmaticus et Empiricus

„Incidit in scyllam, cupiens vitare charybdin.” In iis vero, quae ipsam therapeuticen spectant, utraque secta non valde dissentit, „eadem (enim) reme-

(3) *l. c. p. 3. seq.*

(4) *l. c. p. 10.*

(5) *Gal. de Sect. c. 5. p. 290. t. II.*

(6) *Gal. l. c. p. 289.*



media, teste Galeno (7), in iisdem affectibus et Dogmatici et Emperici assumunt, de ipsorum inventionis modo dissentientes, et alibi (8) „curationem in iisdem affectibus eandem molientes, qui utraque secta legitime exercitati sunt” (9).

§. 3. Ex iis, quae supra de Dogmaticis diximus, abunde constat inprimis crasin humorum respexisse Dogmaticos, doctrinâ Platonis de elementis (10) vulgo acceptâ; Dogmaticorum autem praecipua morbos curandi methodus constituisse videtur in mutandâ hac humorum vitiatâ mixtione, unde remediorum phlegmagogorum, chologogorum cet: (11) nomen et usus repetenda videntur.

„Die allgemeine Therapie, ait Sprengelius (12), litt unter diesen dogmatischen Grübeleien, da man nun nur nöthig fand, den problematischen Dyskrasien solche Mittel entgegen zu setzen, in denen man die widrigen Qualitäten zu bemerken glaubte. Darüber ging die einfache Beobachtung der wirksamkeit der Natur, und ihrer wohlthätigen Bemühungen in krankheiten, verlohren. Ehe man eine hinreichende Menge Erfahrungen hatte, währnte man schon einen dauerhaften Grund gelegt zu haben, auf welchem das unerschütterliche Gebäude des Dogmatismus aufgeführt werden könne. Auf diese Art mussten

(7) l. c. c. 4. p. 289.

(8) l. c. c. 5. p. 291.

(9) Conf. Leopoldt l. c. p. 81.

(10) Conf. Sprengel. l. c. t. 1. p. 275.

(11) Hipp. (*Adscript.*) lib. de *Affectionibus*. p. 85. Cujus vero Auctor habetur Polybus, Conf. Gruner. l. c. p. 158.

(12) l. c. p. 291.



ten Streitigkeiten an die Stelle der Beobachtungen und unfruchtbare Grübeleien an die Stelle reiner Erfahrungen treten; cet.” Haec etiam mihi videntur valere de placitis Empiricorum, qui soli experientiae acquiescentes, illamque ad therapeiam feliciter exercendam sufficere statuentes, omnem naturae interpretationem negligebant, quâ facilius fieri posset ipsius imitatio.

§. 4. Magna autem fuit opinionum et dogmatum differentia inter Methodicos et Dogmaticos. „Consentiunt, inquit Galenus (13), Methodici Rationalibus, quatenus ex indicatione id, quod conducit, sumi arbitrantur: quatenus autem a diversis, dissentiunt. Etenim Methodici ea, quae conferunt, ab apparentibus quibusdam iudicata, desumi arbitrantur. Rationales vero ab apparentibus quidem nequaquam, verum ab occultis.” Omnem abditorum indagationem evitant Methodici, praecipuumque illorum dogma in evidenti positum est, quod quidem commune cum iis habent Dogmatici, sed non in quodam organismi habitu externo, sed ex ipsius corporis interiori organisatione petere solent. Sic, ut ita dicam, utraque secta in eo conveniebat, quod e corpore aegrotanti indicationis indicia colligerent, eique convenientem medelam, quâ in re longe ab Empiricis distant, qui non directe ex aegri indicantibus, sed aliunde suam indicationem formare videntur, ibique rationem habentes suae aliorumve experientiae vel epilogismi. Facile autem ex opinionibus et placitis Methodicorum, supra memoratis, conficitur, illos quoque discrepare debuisse ab adversariis in eo, quod, in laxando vel strin-

(13) *De Opt. Sect. c. 8. p. 303. t. II.*

stringendo corpore omne auxilium ponentes, virtutes remediorum specificas negligerent. Quid! iis non opus erat, cum minime spectarent locum morbi laborantem (14). Ejusmodi remediorum distinctio partium, quibus convenirent, cognitionem etiam requirebat, ab anatomia petitam, quam scientiam, uti vidimus, inutilem habebant Methodici.

§. 5. Praeterea Methodici etiam inter caeteras sectas eminent rariori purgantium usu (nonnulli prorsus ea rejicere videntur) qua in re Asclepiadis, Thessali aliorumque sententias amplexos fuisset apparet (15). Haec vero opinio de purgantibus remediis primaria causa fuisse videtur, qua re ab eorum usu abstinuerint, quod nempe, monente Caelio Aureliano (16), „purgativa — medicamina, quae cathartica appellant, praerumpant corpus (17) atque sollicitam eidem passioni solutionem provocent, sic autem alibi loquitur Caelius (18):” non — ratione quâdam tacitâ veluti animal sentiens poterit medicamen (de alo-

(14) Dicit Celsus *l. c. p. 14.* — Ne isti (methodici) quidem ipsi intra suam professionem consistere ullo modo possunt: siquidem et compressorum et fluentium morborum genera sunt, faciliusque id in iis, quae fluunt, inspicere potest. Aliud est enim sanguinem, aliud bilem, aliud cibum vomere cet. Conf. Cael. Aurel. *Acut. Morb. l. I. c. 8. p. 24.* „Quaesitum — quis locus in phreniticis patitur —. Nos autem sive locorum siue vicinitatis causa eorum generalem curationem non mutamus.” et *l. c. l. II. c. 34. p. 177.* „Neque valde nobis de praepatienti loco certandum est, ne in occulta quaestione versemur.”

(15) Conf. le Clerq. *l. c. p. 306. seq. et 404. seq.*

(16) *Acut. Morb. l. II. c. 21. p. 148.*

(17) Le Clerq. *l. c. p. 471.*

(18) *l. c. c. IX. p. 103.*



aloës usu locutus erat) utilia relinquere et ab his, quae contra naturam sunt ac detrahenda, separare (19). Inprimis autem, quod non praetermittendum est, Methodici fuerunt diaetae fautores et vere dixisse mihi videtur Ackermannus (20), „merito Hippocratem naturalis diaetae in morbis primum dicendum esse auctorem, artificiosae vero methodicos”, ei enim bene ordinandae inprimis studebant illi, ita ut communia potius diaetâ curarent, in quâ pro maximâ parte etiam constabant, quae curam metasyncriticam spectabant.

§. 6. Medias autem inter has controversias, e variis opinionibus et placitis ortas, medici fere omnes id inter se habebant commune, quod Naturae, seu Hippocratis Ἐννομήντος obliviscerent, vel potius aliâ ratione quancunque corporis conditionem explicare conarentur, minus ergo attendebant (Galenno auctore) (21) ad naturam „cujus facultates Hippocrates primus agnovit, et illam semper tum miratur, tum praedicât; quam et justam nominat et solam animalibus ad omnia sufficere dicit” (22). Talis autem quum sit, statim eam facultates habere proposuit; unam, quâ sibi conveniens attrahat, alteram, quâ alienum a se secernat; ipsam praeterea tum nutrire animalia, tum augere; jam morbos quoque finiri ac ju-

(19) Conf. Gal. *adversus Julian. lib. c. 8. p. 391. seq. t. IX.*

(20) *Inst. Hist. Med. §. 231. p. 163.*

(21) *De Natur. facult. l. 1. c. 13. p. 20. t. V.*

(22) Conf. hunc in locum Hipp. *Epidem. l. V. S. 6. p. 1184. ἀπαιδευτος ἡ φύσις ἰοῦσα καὶ οὐ μαθοῦσα τὰ δέοντα ποιεῖ.*



judicari iisdem facultatibus; ideoque in corporibus nostris conspirationem unam, confluxumque unum observari, ac omnia inter se mutuo affici (23). Hancce autem doctrinam rationali experientiae innixam nonnulli non veriti sunt ut vanam explodere et veterum medicinam dicere mortis meditationem (του θανάτου μελέτην) (24).

Pneumatici autem inprimis, principio Hippocratis Ἐνορμῶντι quodammodo simili admissio, longius a Methodicis distare videntur, his enim solummodo curae erat turbatam molecularum harmoniam restituere in convenientem, omni vitalitatis indagatione neglectâ, cum hi potius attenderent, ut supra vidimus, ad vim quandam immaterialem, quae iis erat res speculatione dignissima. Propius autem Dogmaticos accedere ad sectam Pneumaticam sponte apparet, quorum placita nonnunquam confluere videntur, ita ut apud unum invenias hunc illumve auctorem pro Dogmatico, apud alterum pro Pneumatico salutatum.

Mihi quidem videntur ei tantum ad Pneumaticos referendi esse, qui illud Pneuma habuerunt pro primariâ sanitatis morbique causâ, minus, quam Dogmatici, attenti ad humorum crasin vel mixtionem, quae apud hos primaria erant corporis requisita.

SEC.

(23) Conf. *Hist. Doctrin. Medioor. Organ. Disput.* Fr. Weh. ab Eisenhart. *Praes.* P. F. Meckelio §. 30. seq. 1790. 8°.

(24) Gal. *de Ven. Sect. Advers. Erasistr.* c. 5. p. 297 et 398. t. X.

## CAPUT II.

EXAMEN CRITICUM OPINIONUM ET PLACITORUM  
SECTAE IATRO-CHEMICORUM, IATRO-ME-  
THEMATICORUM ET ANIMISTARUM.

§. I. **O**pinionum et placitorum differentiae, quas supra de Dogmaticis, Methodicis et Pneumaticis notavimus, non minus hîc in oculos irruunt, ubi de Iatro-Chemicis, Mechanicis et Animistis agendum est. Dissentiebant enim quondam Auctores de investigandis abditis morbores causis, de evidentium usu, et de Pneumatos in corpus humanum influxu, non minus seriori seculo diversae erant scriptorum sententiae in explicandis organismi humani phaenomenis.

Vidimus autem unum sedulo respicientem ad humorum crasin, alterum ad solidorum mechanisnum, tertium ad immateriale quoddam principium, animam scilicet, quae omnes regeret corporis humani functiones, omniumque morborum esset origo.

In exponendis, quae recensuimus, placitis, elucescit utriusque seculi character et genius, atque patet a singulâ sectâ magis minusve cultam esse doctrinam organicam. (1) Ea enim, quae hîc de Dogmaticis, Methodicis et Pneumaticis valent, etiam in

Ia-

(1) F. W. ab Eisenhart l. c.



Iatro-Chemicos, Mathematicos et Animistas transferri possunt, qui, variis, uti vidimus, theorematibus dediti, saepius conveniunt cum iis, quorum sectae, magno temporis spatio intermedio, antea floruerunt, et famam assecutae sunt.

§. 2. Iatro-chemici autem ab Iatro-mathematicis in eo maxime discedere videntur, quod hi solidis, saltem eorum physicis, ut ita dicam, rationibus, illi fluidis, eorum scilicet miscelae et crasi, omnia, quae in corpore apparent, phaenomena concedunt. Magnum certe hoc est discrimen, et illud tantum esse quisque forsitan miratur, cum utraque secta non a suis, quae cepit, experimentis discessisse gloriatur, et profiteatur proposuisse, quae ipsa experientia obtulisset. Sed non mirum; quae enim casu vel consilio experti sunt hi medici, et extra corpus humanum observarunt, avide acceperunt et in illius organismum transtulerunt; affinitatum leges, quas invenit Chemicus in vase corporum principia explorans, similes fert in microcosmo; Mathematicus autem ipsius studium anteponit, et determinare tentat mathematicam certitudine plurium functionum leges, attamen sine illius auxilio nova circulationis sanguinis via patefacta, nec a priori certam mathematicam computatione demonstrata est.

Utraque secta vera quidem tradidit, et fideliter observata, sed imprudenter iis usa est ad organisationis corporis humani leges explicandas.

§. 3. Animistarum autem secta longe ab iis diversa principia sequebatur, non quidem interpretata leges oeconomiae humanae per chemica vel mechanica placita, sed per aliud principium, organicis corporibus



bus proprium, immateriale (2). Magnum certe inter illorum placita intercedit discrimen. Iatro-chemici nimirum omnes corporis motus a quâdam fermentatione vel effervescentiâ derivabant, quare adessent in corpore humores (3), huic chemico processui parando inservientes; Iatro-mathematici considerabant hominem tanquam machinam hydraulicam, in qua humores per canales inertes ducerentur, eorumque autem humorum motus computabant, ratione habitâ canalium capacitatis, duritiei, angulorum cet. Stahlianâ vero doctrinâ sublimiora volvebat, nec per chemiam vel mechanicam explicanda esse phaenomena vitae censebat, sed in animâ materiae passivae virtutem motricem ponebat, et sub illius imperio omnes procedere corporis functiones contendebat.

Facile igitur patet Anamistarum sectam prudenter Medicinae scientiam ab aliis scientiis distinxisse, ipsique maxime fuisse curae, ut organicam corporis doctrinam promoveret. (4)

Jam vero, ut haec opinionum differentia abunde constet, exponere liceat illorum explicationem inflammationis.

§. 4 Chemici ratiocinabantur sequenti ratione, sanguinis majori copiâ, quam revelare possunt venae, ab arteriis propulsâ, stagnatio obtinet in vasis capillaribus, et in partium vicinarum interstitiis, sanguis autem stagnans majorem concipit calorem ejusque mo-

(2) E. Tourtelle *Hist. Phil. de la Médecine*, t. 2, p. 446. seq. Paris 1804. 8°.

(3) P. J. G. Cabanis. *Coup. d'Oeil sur les révolut. et sur la réforme de la Médic.* p. 242. seq. Paris 1804. 8°.

(4) Stahl. *Theor. Med.* p. 56. seq.

molestam tradit sensationem, donec sensim in putredinem abit, et pus evadit. Omnis igitur phlegmonis proxima causa materialis est sanguis in quadam parte stagnans. Ubi in parte inflammata nihil de sanguine reduci potest, gangraena oritur, cum sanguis, spiritus vitalis affluxu privatus in putredinem abeat, et pars, omnis spiritus vitalis aditu prohibito, denique emoriatur. Symptomata inflammationis characteristica sic explicantur: rubor a sanguine retento oritur; tumor a majori, quam quidem venae reducere valent, sanguinis copia; dolor a partium fibrosarum tensione, quam tumor efficere debet; haec autem ingrata sensatio vel tensiva vel pulsans vel jungens est. Omnia igitur, quae vasa coarctant, et sanguinis motum impediunt, ad inflammationis causas referri possunt. Inprimis autem illud circulationis impedimentum repeti debet 1) a sanguinis tenacitate et spissitudine ob seri defectum, 2) a decompositione sanguinis, cuidam parti adhaerentis, qualem sanguinis dispositionem gignit sal, cujus major quantitas subdole introducta est. (5)

Inflammationis autem natura secundum sententiam Ettmülleri (6), cujus explicationem proposuimus, consistit in stagnatione sanguinis, cujus volatiliior pars deperditur, decomponitur jam sanguis et evolvitur sal, quod

(5) Mutant autem nonnunquam Auctores in inflammationis explicatione stagnationem cum spina sive acri quodam principio, quod obstructioni ansam dat. Meyer *üb. d. natur. d. Entz.* p. 18. Berl. 1810. 8°.

(6) Opp. t. 2. P. 1. Sect. 18. p. 532. seq.



quod sanguinis caloris gradum exaltat, illumque putrescentem in pus vertit (7).

§. 5. Apud Mechanicos etiam, sicuti apud Chemicos, stagnatio sanguinis in censum venit, sed a Mechanico minus culpatur stagnantis sanguinis decompositionis, quam quidem illius pressio et attritus. Hanc autem stagnationem in vasis minoribus producit 1) pressio, collisio, cet. verbo, omne id, quod vasculorum fines arctiores reddere valet, ita ut vasculorum diameter minor sit diametro globulorum sanguinis; 2) omne obstaculum, quod vasculorum oscula obturat, et simul acritatem continet; 3) omne id, quod sanguinis decompositionem promovet; similem autem, quem jam exposuimus in vasculis arctioribus ubi sanguis peccat, effectum observamus si nimis ampli sunt vasculorum fines, ita ut vasculorum ostia in vitio sint, et sanguinis crassior pars errore loci protrudatur. Accedat autem, necesse est, sanguinis febrilis motus, quo major fit attritus. (8)

Mechanicus autem, etiam stagnatione sive obstructione tanquam conditione corporis necessariâ prae-missâ, non ad sanguinis crasin attendit, sed ad illius copiam et motum a tergo auctum. Celeritatem enim augeri observat Iatro-mathematicus, illiusque causam quaerit in minori vasorum capacitae, rationem

(7) Cum spina saepius sit naturae acidae ex opinione Ettmülleri facile quisque concipit, eum omni fere inflammationi alcalia opposuisse.

(8) Obstructio et auctus humorum a tergo impetus duae sunt conditiones a Boerhaavio necessariae habitaе ad inflammationem concitandam *Aph.* 381. 382.



nem habens eorum meatuum obstructorum, ejusdemque sanguinis massae movendae. (9)

§. 6. Licet Stahlius videatur etiam non sine sanguinis stagnatione inflammationem explicare potuisse, tamen inprimis spectat ad augmentum motus tonici vitalis, qui vasorum impedimentum, stagnationem nempe tollere tentat (10). Inflammationem igitur Stahlianam theoria potius considerat tanquam activum quid, cujus „ effectus minus periculosi sunt, quam ipsa sanguinis stasis, (11) quae, nisi tolleretur, mox sanguinis dissolutionem secum traheret, cum non solum ipsius progressivum motum tunc amiserit sanguis, (quo praeceptum redditur ad dissolutionem nempe ad putredinem) sed etiam accessum penitiorem reliqui sanguinis, sicuti ait Auctor, qui secedentes noxias portiones ex ipso abluere, et auferre valeret, non recipere possit.” Sanguinis autem stagnatio a Stahlio etiam habetur inflammationis causa proxima (12), quare statuit, eas partes frequentius ab inflammatione corripi, quae majorem sanguinis copiam vehunt.

CA-

(9) Boerhaave *Aph.* 120. Conf. N. Paradys *Spec. Path. in nat. inflamm.* p. 2. seq. *Lugd. Bat.* 1763. 4°.

(10) *Theor. Med.* p. 831. et Stahl et Gualther. *Diss. de infl. vera Pathol.* c. 3. p. 11. *Hal.* 1705. 4°.

(11) Stahl et Gualther. *l. c.* p. 14.

(12) *Theor. Med.* p. 831. 835.

## CAPUT III.

EXAMEN CRITICUM OPINIONUM ET PLACITORUM  
OMNIUM SECTARUM ANTEA MEMORATARUM.

§. 1. **H**ominibus quoddam novarum rerum studium est quasi innatum, quo saepius pelluntur ardore quodam ad minus cognita, nec usu probata prosequenda. Spem tamen bonam de novâ re susceptam saepe fallit eventus et sic poenas temeritatis luit nimia animi agilitas et promptitudo. Tentantum et experiendum esse monet prudens ratio, antequam, praeoccupato iudicio, quorundam accipiamus placita, quae saepius luxuriantis phantasiae sunt figmenta et leviter exstructae hypoteses, quae acutum quidem, e quo provenerunt, ingenium demonstrant, sed, cum auctor potius idearum facilitatem, ut ita dicam, secutus sit, et a priori statuerit, quod non nisi a posteriori innotescere potest, bono carent eventu et illud iterum probant recens excogitatae, aliis jam memoriâ elapsis, quod opinionum commenta deleat dies.

Hippocrates autem, qui non obliviscebatur, „vitam esse brevem, artem vero longam” non ulterius, quam sibi permittebant artis fines, progressus est, et constitit Hippocratis auctoritas, nec minus infuturum constabit. Sectae vero per aliquod



temporis spatium viguerunt, sed mox oblivioni traditae sunt, aliis in earum locum receptis.

Jam vero sponte apparet quaedam sectarum recensitarum convenientia et similitudo. Nimirum Dogmaticam cum Iatro-chemicâ, Methodicam cum Iatro-mechanicâ et Pneumaticam cum Animisticarum Sectâ conferri posse (1) nemo inficias ibit.

§. 2. Dogmaticorum enim erat inprimis respectu quatuor elementorum ordinare morbos, illorumque originem a quatuor humoribus cardinalibus repetere, quodam etiam spirituum vitalium respectu habito; jam vero Secta Iatro-chemicorum non minus attente humorum mixtionem spectavit et spiritus animales; unde quidem constare videtur, utrique Sectae eadem fuisse principia, quibus eorum doctrina innitebatur.

Non minus abunde patet Methodicorum et Iatro-mathematicorum doctrinae baseos similitudo, cum utraque secta, temporis quidem genio maxime diversa, poneret quandam mathematicam rationem inter solida et fluida; Asclepiades enim, cujus doctrina jam olim mechanica vocata est, in quadam pororum et molecularum proportionem ponebat sanitatem, eâque turbatâ morbos; et, multis abhinc seculis praeterlapsis, sermonem fieri de quadam vasorum obstructione, oriundâ a perversâ globulorum directione, comperimus. Quam si mihi concedas principiorum similitudinem, quod non dubito, non dissentieris statuenti, magnam etiam esse similitudinem inter principia Sectae Pneumaticorum et Animistarum. Primas

au-

(1) J. M. Leopoldt. *Allgem. Gesch. d. Heilk.* p. 224. Erlang. 1825. 8°.



autem partes agere in quadam Sectâ procreandâ temporis periodum, quâ coïncedit, non est, ut moneam, et pulchre dixit Cabanis (2): „ Aux différentes époques la médecine a pris la couleur des sciences dominantes; elle a voulu parler leur langue et s'assujettir aux mêmes principes qu'elles, de sorte qu'elle a passé tour-à-tour par les différens systèmes, qui ont joui de quelque célébrité dans le monde.”

§. 3. Quatuor elementa ponebat Dogmaticorum schola, per quae, respectu habito ad sanguinem, pituitam, bilem flavam et atram, explicare tentabat microcosmi phaenomena; illum autem elementorum numerum ad tria principia chemica restrinxit Paracelsus, et qui, aliud suspicatus primarium vitalitatis momentum, quod illi per spiritus denotare volebant, archaeum suum subjunxit. Simulac autem Chemia corpora accuratiori subjecerat analysi, et, quae antea habebantur pro elementis, in alia decomposuerat principia, ut vana et inutilia jactata sunt, quae docuerat prior aetas (3). Hi vero recentiores Chemici, ut verbis Boerhaavii utar (4) „ magnâ et artificiosâ ignis, vasorum, instrumentorum ope excitabant motus varios, quibus varie permixta inter se, vel lecta seorsum, corpora in novas species,

un-

(2) *Coup d'Oeil cet. p. 147. seq.*

(3) „ Die krankheits - prozesse (ait Leopoldt. l. c. p. 176.) selbst werden in der Regel mit chemischen Processen z. B. dem Abbrennen des Schwefels, der Coagulation des Quecksilbers, oder mit kosmischen Vergängen z. B. dem Erdbeben u. z. w. verglichen.”

(4) *Orat. de Chem. suos errores expurg. p. 41. in Opusc. Hag. Comit. 1738. 4°.*

unde recentes oriebantur agendi vires, antea haud proditae. Illi deinde, quum explorarent corpora artificiosa indagine, quam copiosissimam dictitabant Chemici, detexerunt genera motûs plurima, quibus similia alterius artis effectum nunquam viderant, quibus paria nunquam sua sponte commissa sibi natura. Invento laetis applaudebat gloria! Sed felicitatis percepta voluptas hebetabat inventoris animum! Similia his repertis in naturâ rerum in corpore humano dari ilico assumebant, assumebantque ut quod certissimum." Hac autem in re non se meliores illis praestiterunt recentiores Chemici, qui etiam nimis festinanter concludisse videntur ex iis, quae pulcherrima experimenta in vasis eos docebant ad ea, quae legibus organismi obstricta, corpus humanum intus habent. Ita hic ad unum principium Chemicum omnem operationem vitalem, alter ad duo, tertius ad plura referebat (5), de quibus ergo etiam valet, quod de antiquioribus dixit Boerhaavius (6), „quam est proclivis humana indoles a paucis bene comperitis, a singularibus paucis in doctrinae generalia!"

§. 4. Omni jure dixit quidam auctor (7): „cum theoria medica tamquam philosophiae pars sit consideranda, pari quoque passu videtur utraque a pris-

cis

(5) Mira apparet nonnunquam eorum placitorum similitudo: dicit autem Sprengel. (*Krit. Uebers. d. Zustand. d. Arzneik. cet. p. 383. Halle 1801.*) „Ganz nach der Ideen der Chemiatrischen Sekte des vorigen Jahrhunderts erklärte E. Peart die Erscheinungen des Lebens, indem er Säure aus der Luft, und Alkali aus der Nahrungsmitteln in den Körper gelangen, und dort ihre chemische Rolle spielen lässt." seq.

(6) *l. c. p. 39.*

(7) Ab Eisenhart. *l. c. p. 1.*



cis inde temporibus progressa esse” et infra „theoriae enim medicorum nisi ex philosophematibus coaevorum aut praeceptorum philosophorum explanari nequeunt.” Illius asserti veritas etiam apparet, si ad Methodicorum principia attendamus, cum illorum placita, de qua re nemo dubitat, atomisticae sive corpusculari philosophiae Democriti et Epicuri innitantur. Quae autem ille auctor notat de Methodicorum Sectâ sine dubio etiam valent de Iatro-mechanicâ; hujus enim origo aequè minus ac illius erat fortuita et incogitata, sed potius eam provocasse, et necessario eam gignere debuisse videtur rerum tunc temporis status. Nimirum ex iis, quae supra memoravimus, abunde patet, hanc etiam Sectam non inopinatam duxisse originem.

Utraque autem Secta videtur nimium tribuisse corporis humani solidis, cum Methodici imprimis ad illam atomorum et pororum proportionem respicerent, e qua deducebant strictum vel laxum, et Iatro-mechanici ad vasorum capacitatem, cursum, meatuumque vasculorum diametros, e quibus circulationis momentum, secretionumque opus cet. explicabant. Postea autem quaedam innotuit doctrina, cujus similitudo, ratione habitâ temporis (8), certe magna reprehenditur, si cum methodicâ eam conferas. Generalioribus enim inhaerere videtur doctrina

Brow-

(8) „Giebt man bey Beurtheilung einer Medicinische Form, wie billig den Zeitalter zurück, was ihn gehöret, das unvollkommere und das vollkommere, so ist die Uebereinstimmung der Methodischen Lehre mit der Brownischen unverkennbar.” Vid. A. F. Hecker *die Heilk. auf ihre Wege z. Gewissheit* cet. §. 41. Erfurt. 1808. 8°.



Browniana, sicut Methodica duplicem morborum classem admittens, quae nititur non quidem atomisticae philosophiae, sed principio cuidam, quod dicebat organismo animali proprium et appellabat irritabilitatem (9). Potentiae autem, quae illam irritabilitatem in actum ducunt, stimuli sunt, qui, si irritabilitati respondeant, harmonica procedit sanitatis operatio. Omnis igitur rei cardo vertitur in stimulis, qui, si majores sint, sthenicam producunt corporis conditionem i. e. morbos sthenicos, si minores, asthenicam i. e. morbos asthenicos (10). Mutato nomine igitur narratur, ut facile quisque perspicit, Themisonis strictum et laxum (11).

§. 5. Pneumatici, verbis Ackermanni (12) uti liceat, „in spiritus omnia penetrantis affectione morbum consistere putabant, eoque modo ejus medicinae contemplatricis primi Auctores erant, quae summo viro, Stahlio duce, nostro aevo agitari coepta est.” Stahlius enim cujusdam principii momentum (13) in corpore humano aequa libera

pon-

(9) C. Girtanner. *Ausführlich. Darstell. d. Brownisch. Syst. cet.* 1. Bd. p. 282. Gött. 1797. 8<sup>o</sup>.

(10) *l. c.* p. 284. seq.

(11) Heckers *Archiv. f. d. Allgem. Heilk.* Bd. 2. p. 38. et *l. c.* Bd. 1. p. 175. dicit: „Ihrer Lehre so vieler Fehler man sie auch mit Recht beschuldigen kan, verdankt eine der wichtigsten medicinischen Wissenschaften, die allgemeine Heilkunde, ihren Ursprung.”

(12) *Inst. Med.* §. 238. p. 168.

(13) Meyer *l. c.* p. 240. dicit: „Beyde Schulen, die Chemische und Mechanische hielten sich nur an eine Form der Aueszerung des Lebens und verfehlten daher das Wesen desselben, das innere Princip des Organismus, das nicht in einer Form seiner Aueszerung liegen kan.”

ponderabat, videbat quidem magnum discrimen inter corpus organicum et inorganicum, ita ut, quae collegit, ex intimioribus naturae penetralibus petita sint (14). Ille autem vir acerrimi ingenii, sed non praejudiciorum, notante Blumenbachio (15), expers dogma veterum amplectebatur, cum constet, Aristotelem causam motuum in corporibus deduxisse a quodam principio activo, *entechiâ* vel etiam *formâ substantiali* dicto, et Platonem ejusque sectatores, inter quos Pneumatici, credidisse unum esse principium activum per totam rerum universitatem dispersum quod formet, agitet et animet materiam, animam scilicet mundi (16).

§. 6. Jam vero duas Historiae Medicae periodos contemplati sumus, in quibus permulta quidem varia rei medicae contigerunt; eam vidimus doctrinae Hippocraticae ereptam et subtilioribus traditam speculationibus vel elementorum, vel quarundam communitatum, vel cujusdam pneumatos, quas apud nostros Iatro-chemicos, Mathematicos et Animistas quodammodo repetitas observavimus.

Pauca quidem sunt illorum Auctorum placita, quae prorsus falsa dici merentur; plura vero multum boni nostrae arti protulerunt, et licet iis non contigerit invenire lapidem illum philosophorum et exclamare, quod quondam solebant Osiris Pontifices, invento sine labe bove, *εὐρηκομεν, συγχάρπομεν*,  
ta-

(14) Blumenbach. *Introd. in Hist. Medic. Litter.* §. 420. p. 342. Gøtt. 1786. 8°.

(15) *l. c.*

(16) F. Hoffmann. *De Differ. Doctr.* Stahl. et Hoffmann. §. 38. p. 437. *Oper. Omn. v. 8. Genev.* 1754. fol.



tamen eorum industriâ, magnos cepisse artem progressus, nemo est, qui dubitet. Variis Sectis addicti et quique suarum opinionum strenui propugnatores lapides conguessisse videntur ad extollendum aedificium, medicae disciplinae sacrum; lapides, quibus diceres usos fuisse, ut unus alterius laborem everteret; revera illud effecisse et operatos fuisse putabat singula Secta, credebatur enim tantam esse suarum opinionum et placitorum vim et efficaciam, ut|vetustioris Sectae ruinam sine dubio secum trahere deberet et ipsa perstaret; sed una — cessit alteri (17).

(17) Verissima sunt quae dicit Baglivius. (*Prax. Med. l. 1. p. 127. in Oper. Omn. Antwerp. 1715. 4<sup>o</sup>.*) „Subtiliori quolibet mathematico subtilior est natura, ideo quacunque de medicinâ meditatus fueris, pro veris non habeas, nisi prius ad lydium praxeos lapidem revocaveris; quod si repetitâ experientiâ inveneris vera, pro veris semper habeto. De bono aut malo vino judicare non potueris, nisi gustaveris; perfectus musicus non erit, nisi cecinerit, nec miles strenuus, nisi bella gesserit. Multa homines in musaeis cogitant, quae rationi consona ac prorsus certa existimant, sed quando ad usum descendunt, non solum absurda sed pene impossibilia deprehendunt.”



# T H E S E S.

## I.

**D**octrina Hippocratica, licet a nonnullis *mortis meditatione* vocata sit, hodie etiam quam maxime commendanda est.

## I I.

Controversiae et dissensus multum valent in arte scientiæ quadam promovendâ.

## I I I.

Medici Sectae Methodicorum minus, quam rudiores Empirici, reprehendi merentur.

## I V.

Febrim flavam seu Typhum Icterodem Americanam contagiosam esse ratio et experientia statuere suadent; falsa itaque est theoria Devèziana, quae illam contagio immunem declarat.

## V.

## V.

Recte Hippocrates: omnia secundum rationem facienti et non secundum rationem evenientibus non transeundum ad aliud, manente eo, quod visum est ab initio.

## V I.

Dysenteria per se non est morbus contagiosus.

## V I I.

Minime assentior statuentibus unam tantummodo dari ossis humeri luxationis primariae speciem.

## V I I I.

Non absonum videtur statuere, vegetabilia, si eorundem fabricae et structurae rationem habeas, non ita ab animalium quorundam oeconomiâ distare, quin cum his affectiones quasdam morbosas habeant communes.

## I X.

Si magna cogitemus, quae Chirurgiae bellis recentiori tempore gestis accesserunt, incrementa, de dicti convincimur veritate, nihil tam malum esse, quin aliquid habeat boni.

## X.

Febris augmentum non semper malum.

---

A A N M I J N E N

V R I E N D

P. A. J E L T E S.



Moet dan op dit laatste blaadje  
Nog een laatste groete staan,  
Om getrouwer mede te reizen  
Waar ik zelf niet hoên kan gaan?

Laat het dan mijn bode wezen,  
Die mijn afscheidsgroet U schenkt,  
Om U in mijn plaats te zeggen,  
Dat de vriendschap aan U denkt.

Eens in kalme schoone dagen  
Heeft de Rijn ons zaam aanschouwd:  
Aan zijn oevers heeft de vriendschap  
Ons een altaar opgebouwd.

Stroom' de Rijn vrij bruisschend henên,  
Wat of wissel of verval . . .  
Dit is zeker, dat ons altaar  
Aan zijn oevers blijven zal.

Vriend! gij gaat den Rijn verlaten,  
Waar de wijsheid eens U riep,  
Toen de kennis die gij gaarde,  
Nog in de eerste sluimring sliep.



Ook die tijd is heengevlogen,  
Slechts 't herdenken rest er van,  
Alles wat men van 't verleden,  
Als 't voorbij is, noemen kan.

De IJssel wacht U aan zijn boorden,  
Met den schat hier opgegaard,  
Met de vrucht van Leydens Wijzen,  
Met uw eigen schat gepaard.

De IJssel zal U welkom groeten,  
Zoo als eens de Rijn hier deed,  
En op nieuw U bloempjes schenken,  
Schoon gij nooit den Rijn vergeet.

Ga dan, Vriend! gelukkig henen,  
Afstand scheid de vriendschap niet,  
Vrienden denken aan elkander,  
Als het oog elkaâr niet ziet.

Leef gelukkig als voordezen,  
Help de menschheid waar zij lijdt;  
Denk, dat schoon wel ver verwijderd,  
Gij toch niet vergeten zijt.

Leef gelukkig dan aan de oevers,  
Waar langs de IJssel henen snelt,  
Denk dat, schoon wel ver verwijderd,  
Ge aan den Rijn ook vrienden telt.

N. H. TATUM ZUBLI.

*Theol. Stud.*















